

四庫全書

集部

欽定四庫全書

四六標準卷二十三

宋 李劉 撰

都大

家都大有二有都大提舉茶馬
有都大提點坑冶詳見各題下

賀新除川秦茶馬魏戶部

泌○成都紀國朝熙寧
七年始詔三司鹽鐵判

官李杞勾當公事蒲宗閔經畫川蜀買茶充秦國
熙河路博馬就除成都府路買茶公事杞于秦川
宗閔于成都置司後改名都大提舉茶馬事朝野
雜記元豐四年群牧判官郭茂恂又言茶司既不
兼買馬遂立法以害馬政乞併茶場買馬為一司
從之茶馬司掌牧摘山之利以佐邦國凡市馬于
蕃夷以茶易之大觀以來茶馬之政廢川茶不以
博馬唯市珠玉故馬政廢缺紹興四年從闕師古

之請以乏戰馬始令四川宣撫司支茶博馬七年
宰臣趙鼎言得旨復置茶馬官舊有主管茶馬同
提舉茶馬都大提舉茶馬凡三等上曰考其資歷
命之乾道川秦買馬之額川司六千秦司五千九
百成都利州路十一州產茶二千一
百二萬斤茶馬司所收大較如此

顯陟臺郎

杜詩臺郎選才俊虞詡傳臺郎顯職仕之通階

總提廐政文昌六部

地官見謂之劇曹

白居易行裴均制及領地官且司邦賦會計事劇出納孔殷投利刃以皆

虛委勞絲而必理

武騎萬營天府復專於隆委

揚雄傳單車飛揚武騎聿皇又

敦萬騎於中營今方玉車之千乘師古曰敦
讀曰屯聚也周禮天府以詔王察群吏之治
說文詔告也周禮太宰以八柄詔王馭群臣
人君馭臣之大柄冢宰不敢專告王以施之而已
材與

事宜恭惟某官心平而氣和人今而學古公侯子孫之

必復固有世臣

左傳畢萬筮仕於晉平廖占之曰吉其必蕃昌公侯之子孫必復其始互見前

名義鬼神之難欺實由家學

舊唐書宋璟傳張易之誣構魏元忠有不順之言引

鳳閣舍人張說使證之說惶惑迫懼璟謂曰名義至重

神道難欺必不可黨邪陷正以求苟免若緣犯顏流貶

芬芳 琮璧不雕而自貴 說文琮瑞玉大八寸似車釭徐

多矣 琮璧不雕而自貴 曰其狀外八角而中圓也琮之

言宗八方所宗故以祭地白虎通方 鸞和隨動而有聲

中圓外曰璧內方象地外圓象天 鸞和隨動而有聲

鸞通作鑾詩和鑾雖離毛注和在軾 屹立夔人之藩籬

鑾在鑣嚴氏曰和鑾皆鈴也詳別見 屹立夔人之藩籬

容齋隨筆山谷詩相戒莫浪出月黑虎夔藩夔字甚新

其意蓋言抵觸之義而莫究所出惟杜工部課伐木詩

序中云必昏黑撞突夔人屋壁乃知魯直用此然杜公時在夔府所謂夔人者述其土俗耳本無抵觸之義魯直蓋誤用耳按山谷誤用杜詩而此

何翅晉陽之保障

又誤用山谷詩蓋文人好奇如此

晉語趙簡子使尹鐸為晉陽請曰以為繭絲乎抑為保障乎簡子曰保障哉注繭絲賦稅保障蔽扞也

儉

以足用節而愛人迄轉上聞首膺表選

循吏傳公卿則選諸所表以次

用握蘭依烏之位內陪從於太微

天文志太微三光之廷五帝坐後聚十五

星曰哀烏郎位天文志權衡太微三光之廷淮南子摘

太微者太一之廷也紫宮者太一之居也餘見前

茗市駿之司外分節於少府

初察除李昌孺制在昔元豐留神武備摘山市駿具

著科條乃詔攸司悉遵成憲將其使指實克推行百官

公卿表少府秦官掌山海池澤之稅以給共養屬官有

尚書符節韓文讀職任昔分而今合職源國朝熙寧七年差李杞蒲宗閔

命於庭出節少府

成都府買茶熙河路博馬並令杞等提舉置都大提舉

及主管同主管元豐四年羣牧判官郭茂恂言茶司既

不兼買馬遂立法以害馬政恐誤國事乞併茶場買馬為一司從之蓋茶馬司始此事權滋重以

不輕一洗空萬古之凡會如雲錦杜詩一洗萬古凡馬空新唐書王毛仲傳

毛仲始見飾擢於牧事尤力婉息不訾從帝東封取牧

馬數萬匹每色一隊相間如錦繡天子才之東坡詩想

見開元天寶年八坊分屯隘六經濟三尺之法歸近天

秦川四十萬匹如雲煙言馬顏山谷煎茶賦乃至中夜不眠耿耿既作溫齊殊可屢

言軟如以六經濟三尺法雖有除治與人安樂互見前

茶輕破睡正濃之詩盧全走筆謝孟諫議寄新茶詩日高五丈睡正濃軍將打門驚周公

言小試思無邪之學

詩駟駟壯馬在垆之野薄言駟者有駟有駟有驛有驛有魚以車祛祛思

無邪思馬

某苦慙驚骨

言馬

復領墓願

東坡蝦蟆墓培詩蝶背如覆孟墓願如

斯徂言馬

偃月謂是月中墓開口吐月液根源來甚遠百尺蒼崖

裂豈惟煮茶好釀酒應無敵按蝦蟆墓培在夷陵之南凡

出蜀者必酌水以淪茗陸羽第其品為第四張又新水

記言峽川扇子峽石中突而洩水俗謂蝦蟆墓石其水煎

茶為第一山谷云蝦蟆墓培從舟中望之願頓口吻甚類

蝦蟆尋泉源入洞中石氣清寒流泉出石骨若虬龍吼

言王良後造父先亦有馳驅之志

韓文若駟馬駕輕車就熟路而王良造父

為之先後

汲黯慙寬饒猛恐非採掇之材

東坡和錢安道寄惠建茶

也言馬

詩建溪所產雖不同一天與君子性森然可愛不可
惕骨清肉膩和且正雪花雨脚何足道啜過始知真味

永縱復苦硬終可錄汲黯少慙寬饒
猛言茶此篇全用茶馬事渾然無迹

代通制帥四川趙茶馬

彥綰

分巴徼之旌旗濫膺守土占益州之分野知有使星

見前

欣竊庇之自今愧修辭之已晚恭惟某官風猷凝遠天

韻宏深博極羣書太乙之藜相照

司馬遷傳自劉向揚雄博極羣書皆稱遷

有良史之才餘見前

文燭萬丈長庚之夢不虛

李陽冰草堂集序驚姜之夕長庚入

夢故生而名白以太白字之世稱太白之精得之矣餘見前

藉未陳周召之詩書

詩書

如周南召南洛誥召誥之類

亦宜獻間平之禮樂

河間獻王傳武帝時獻王來朝獻雅

樂對三雍宮東平憲王傳蒼以天下化平宜修禮樂乃
與公卿共議定南北郊冠冕車服制度及先武廟登歌
八佾舞數王樹野客叢書云事有承襲用之不以為異
者如宗室用間平二字之類是也河間東平漢家二王
封號間平難於拆用間猶言中耳然用此二字其來舊
矣北史論齊文襄諸子雖有謝間平徐陵啟有間平就
國之恬為丞之再轉韓文再轉而甘出守之一麾顏延之五

君詠一麾

乃出守刻銅虎之符洊揚美最護木牛之餉益茂膚

公謂宜運海以搏鵬

俱見

又使摘山而市駿

劉言史詩宛如摘山

時自歛指下

周原之茶𦵏𦵏包以緗奩

詩周原𦵏𦵏茶如怡說文茶

苦茶也徐曰即今之茶字茶茗也本作茶爾雅價苦茶注樹小如梔子冬生葉可煮作羹飯今呼早采者為茶

晚取者為茗一名薅蜀人名之苦茶本草苦茶能去脂使人不能睡陸羽茶經一曰茶二曰檟三曰蔎四曰茗五曰薅山谷謝送碾壺源揀茶詩商雲從龍小蒼壁元豐至今人未識壺源包貢第一春緗奩碾香供玉食魯

垌之馬駟駟爛如雲錦

詩駟駟壯馬在垌之野注駟駟良馬腹幹肥張也垌遠野也邑

外曰郊郊外曰野野外曰林林外曰垌餘見上條

豈容黔突行有紫泥其頑頓

之資踈鹵於事將指以出濫持天子之節旄

並見前

無功

而還不得月氏之要領

張騫傳騫從月氏至大夏竟不能得月氏要領師古曰月氏西

域胡國也氏音支要衣要也領衣領也凡持衣者則挈要與領言騫不能得月支意趣無以持歸於漢故以要領為喻要

音一遙反

敢意冒升於荷橐且令假守於銅梁

銅梁縣今屬重

慶府本巴國地楚滅巴封其子為銅梁侯銅梁山在合
州石照縣南五里山有茶色白甘腴謂之水茶甲於巴
蜀晁公武詩銅梁山昏空有如凌競甘泉賦馳間闔而
入凌競師古曰凌
翠重石鏡水落灘聲遲
競者言寒涼何以全度趙克國傳宜全度之師古曰
安全而免度之不令喪敗也東
戰栗之處

西之瞻使節儻未賦於旋歸

杜詩川合東
西瞻使節

前後之間清

塵尚有餘於同味

司馬相如傳犯屬車之清塵注言清
者尊貴之意楚辭聞亦松之清塵謝

靈運詩遙遙播清塵蘇頌詩嘉會阻清塵杜詩昔
在嚴公幕俱為蜀使臣艱危參大府前後間清塵

代回張茶馬

子震○純
用茶馬事

奏最蕃宣易司權牧卧雲而逼象緯榮分東壁之光

杜詩

天闕象緯逼
雲卧衣裳冷

摘山而市駿蹄益固西秦之圍

爾雅圍垂也註子圍

在外垂也左傳聊以固吾圉也疏拒邊

恭惟某官味甘

苦永

喻茶見本卷第一條

心東塞淵

喻馬詩秉心塞淵駉北三千注東操也塞克實也淵深也

秉操其心能誠實且復深遠故能

出乘兩腋之清風已

親法駕

喻茶盧仝謝寄新茶詩七枕喫不得也唯覺兩腋習習清風生

勒回中道之奔

電歸捍戎羗

喻馬王褒傳追奔電逐遺風

茲揚春山之旗

言茶塵史荆公送元

厚之詩云新茗齋中試一旗世謂茶之始生而嫩者為一槍浸大而開為一旗過此則不堪矣荆公博學多聞豈自有所稽而非淺陋之所能察也劉彥波詩然松栢鼎山泉列槍旗一水分優劣歐陽永叔嘗新茶詩終朝

抹摘不盈掬通犀鈎小圓復窠鄙哉穀雨槍與旗
多不足貴如刈麻又約共試新茶旗槍幾時綠
又擁

東方之騎

言馬漢書東方千騎長人古樂府東方千餘
騎夫婿居上頭張于湖詩千騎東方白玉鑣

非環非玦上有雙鸞

言茶東坡月兔茶詩環非環玦非
玦中有迷離玉兔兒一似佳人裙

上月月圓還缺缺還圓此月一缺圓何年君不見
闕茶公子不忍闕小團上有雙街壽帶雙飛鸞載馳

載驅駕彼四牡

言馬見前

取月團三百片之美包以絳奩

言茶

盧全謝寄新茶詩開絨宛見諫議面手閱月團三百片
學林新編云茶之佳品珍踰金玉未易多得而以三百

片惠全其品可供天子十二閑之須爛如雲錦
言馬周禮校人

掌主馬之政天子有十二閑馬六種邦國六閑馬四種
家四閑馬二種新唐書百官志尚乘局掌內外閑廐之

馬左右六開一曰飛黃二曰吉良三曰龍媒四曰騊駼五曰騏驎六曰天苑

佇頒鳳詔趣扈

龍旂某有味溪芽

喻茶東坡詩我官於南今幾時嘗盡溪茶與山茗胸中似記故人面口不

能言心自省建溪所產雖不同一一天與君子性

無心天秣

喻馬東坡詩可憐老驥真老矣無心

更秣天山禾

烹玉澆過秦之論徒抱渴塵

喻茶山谷以團茶贈晁無咎詩晁無

咎贈君越侯所貢蒼玉璧可烹玉塵試春色澆君胃中過秦論斟酌古今來活國

簫雲作徠漢

之歌更觀逸足

喻馬漢書禮樂志太乙況天馬下簫浮雲曉上馳注籥音躡言天馬上躡浮雲

也又天馬徠從西極涉流沙九夷服徠古來字

代錢塘趙縣丞通史都大

彥的。詳啟意乃都大提點坑冶九朝通畧家

景祐二年始置浙江川廣福建等路都大提點坑冶鑄錢一員以魏兼為之與提點刑獄序官元豐二年定為兩司在饒者領江東淮浙七閩在虔者領江西荆湖二廣至元祐元年以坑冶鑄錢通為一司紹興二年置虔州提點司六年銜內添都大二字與提刑序官二十六年並罷乾道八年詔鑄錢司依舊置提點官於饒贛二州置司淳熙三年併贛司歸饒司王楫專為提點官加都大焉

佐赤縣於京畿曾徵善狀

史記孟子荀卿列傳中國名曰赤縣神州赤縣神州內自

有九州禹之序九州是也通典唐縣有赤畿望繁上中下六等京都所治為赤縣京之旁邑為畿縣宋之問詩赤縣求人隱青門起路岐韓詩嗟我身為赤縣令操權不用欲何俟杜延年傳甚亡狀師古曰無善狀望

繡衣於霄漢輒贄空函

杜詩繡衣春當霄漢立殷浩傳開閑者數十竟達空函梁武帝

紀是馳兩空
函定一州矣
誠知使者之輜軒

說文輜輕車也風俗通周秦常以歲八月遣輜

軒之使採
寧顧丞哉之廳壁

韓文藍田縣丞廳壁記丞哉丞哉余不負丞而丞負

余恃仁人之在上

韓文今有仁人在上若不往告之而遂行是果于自棄而不以古之君子

待吾相也實善類之馬依

左傳我周之東遷晉鄭依焉

敢瀝寸丹敬裁尺

素伏念某地寒無挾天賦甚慳濫綴族盟既愧宗英之

卓爾僅憑門蔭又慙舉首之裊然粗謹守於廉勤亦徒

勞於州縣

並見前

每發辛勤三十年之歎

韓詩始我來京師止攜一束書

辛勤三十年以有此屋廬若為扶搖九萬里之程頃贊武夷之六條

武夷山在崇安南三十里周迴百二十里凡峰巒巖石三十有六古記云昔有神降於山自稱武夷君因名

及識文昌之八座

劉伯疏八座比於文昌詳見前

青冥強箭妄希一發

以五紮

韓詩青冥送吹噓強箭射魯縞詩彼茁者葭一發五紮儀禮注詩有一發五紮五紮之言樂得

賢者衆多嗟思至仁之人以充其官

綠水寒波竟少九門之兩翼

見前茲贊

日畿之邑輒為露剡之謀冒於一來

左傳楚子伐鄭鄭人禦之子產曰晉

楚將平諸侯將和楚王是故昧于一來昧猶貪冒也

茫然四顧盡枿去牙角豈無

對立之松槐

藍田縣丞廳壁記盡枿去牙角一蹠故迹破崖岸而為之庭有老槐四行南牆鉅竹

千挺斯立痛掃溉對樹二松日哦其間有問者輒對曰余方有公事于姑去

託根借恩光誰

念無言之桃李

山谷上蘇子瞻詩江梅有佳實託根桃李場桃李終不言朝露借恩光茲

聞皇華之使實司造化之鑪

李商隱詩千年管鑪誰鑪範只自先天造化鑪遂

忘躍冶之嫌

莊子大冶鑄金金踴躍曰我且必為莫邪大冶必以為不祥之金

輒控問

鈞之請

劉禹錫有問大鈞賦詳別見

恭惟某官清涵沆瀣

沆下朗切瀣下介切

說文沆瀣乞也王逸楚辭注北方夜半氣相如大人賦呼吸沆瀣兮餐朝霞

峻稟扶輿

司馬相如

傳扶輿猗靡耳韓文烝壇扶輿磅礴而鬱積詳見前

若伊

陟若巫賢合繼相門之相

孟嘗君傳文聞將門必有將相門必有相南史王訓傳訓

召見文德殿上目送之謂

有封胡有羯末乃安常調之

常

世說新語王凝之謝夫人既往王氏大薄凝之既還謝家意大不悅大傅慰釋之曰王郎逸少之子人身

亦不惡汝何以恨迺爾答曰一門叔父則有阿大中郎群從兄弟則有封胡迺未不意天壤之中乃有王郎注封胡謝韶小字迺未謝淵小字韶字穆度萬子車騎司馬淵字叔度奕第二子義興太守時人稱其尤彥秀者或曰封胡迺未封謂朗迺謂玄末謂韶朗淵玄一作胡謂淵迺謂玄末謂韶也調徒釣反張釋之傳十年不得調師古曰

五馬不受於二毛

杜詩人生五馬貴不受二毛侵八駿又馳

於四牡

穆天子傳天子之八駿赤驥盜驪白義踰輪山子渠黃華騶綠耳

良弓良冶廣

開橐籥之權

禮記良冶之子必學為裘良弓之子必學為箕老子天地之間其猶橐籥乎虛而不

屈動而愈出注橐籥中空鑄金鑄人總出陰陽之炭

法言

又能有聲氣蓋治者所用

鑄金鑄人總出陰陽之炭

或問世言鑄金可鑄歟曰吾聞覲君子者問鑄人不問鑄金或曰人可鑄歟曰孔子鑄顏淵矣或人跋爾曰

問鑄金得鑄人賈誼傳陰陽為炭萬物為銅園法令行而禁止食貨志凡貨

用夏殷以前其詳靡記太公為周立九府圜法圜即錢也方兄昔歎而今豐晉魯褒

使內方象地外圓象天為世神寶親愛如兄字曰孔方又云天有所短錢有所長四時行焉百物生焉錢不如

天達窮開塞振貧濟乏天不如錢若藏武仲之智卞莊子之勇冉求之藝文之以成人矣今之成人者何必然

唯孔方點鐵成金實在一陶之巧匠轉丹砂點鐵成金

澄公樂永銀徒可鎔銅合穎即成百尺之浮圖翻譯云

浮圖也言浮圖者此翻聚相戒壇洛陽伽藍記景明寺浮圖去地百仞唐玄奘傳健馭國有雀離浮圖元魏靈

太后遣沙門道主等賁大橋長七百餘尺往彼披之脚
纔及地五代史李崧傳長興中明宗春秋高秦王從榮
多不法晉高祖為六軍副使懼禍及求出外藩時契丹
入鴈門明宗選將以捍太原晉祖欲之議久不決崧曰
太原國之北門宜得重臣非石敬瑭不可晉祖深德之
陰遣人謝之曰為浮圖者必合其夫蓋欲使崧終始成
也

代回史都大定之

光奉宸綸真持使蕩方千里而賦役久斂惠於一州

見前

園九府以通財遂塞華於數路

漢書食貨志太公為周立九府圉法師古曰周

官大府玉府內府外府泉府天府職內職金職幣皆掌財幣之官故云九府圉謂均而通也

恭惟某

官人門有偉

陳書蔡凝傳高宗嘗謂凝曰我欲用義興主壻錢肅為黃門郎卿意何如凝正色對

曰黃散之職故須人門兼美惟陛下察風調不凡楊素對

之東坡詩清朝固多士人門子皆冠臣之內頗推高類具才藝風調優於類其番君得江湖之心不但蕃宣之績

吳芮傳秦時番陽令也甚得江湖間民心號曰番君史公引漳鄴之利更高城築

之功溝洫志魏文侯時西門豹為鄴令有令名至文侯

曾孫襄王時與群臣飲酒王為群臣祝曰令吾臣皆如西門豹之為人臣也史起進曰魏氏之行田也以

百畝鄴獨二百畝是田惡也漳水在其旁西門豹不知用是不智也知而不興是不仁也仁智豹未之盡何足

法也於是史起為鄴令遂引漳水溉鄴以富魏之河內民歌之曰鄴有賢令兮為史公決暫司坏治之權

漳水兮灌鄴旁終古焉國兮生稻梁驕

傳坏治一陶群生得理注坏土洞識貨財之本恩隆正
器未燒郭璞爾雅注銘物之治

任使以大名地上流錢會當裕于母之積國語周景王二十一年將

鑄大錢以賑救人於是乎有母權子而行注母重也重
大倍故為母子輕也其輕小半故為子干寶搜神記南

方有蟲其形似蟬而大其子著草葉如蠶種得子以歸
則母飛來就之殺其母以血塗其子以其子塗母用錢

貨市旋則自還故淮南子術以之還階前生玉行將繼
錢名曰青蚧唐詩子母錢成不患貧

叔父之風晉書謝玄少穎悟為叔父安所器重安嘗戒
約子姪因曰子弟亦何豫人事而正欲使其

佳玄曰譬如芝蘭玉樹某密託隣光遠依夏庇六轡如
欲使其生於庭階耳

組未遑瞻原隰之華詩有力如虎執轡如組傳組織組
也武力比于虎可以御亂御衆有

文章言能治衆動于近成于遠也疏御者執轡于此使馬騁于彼織組者總紕于此而成文于彼皆動于近成于遠也
萬物為銅願益楸陶鎔之業

見上條

諸本此下有代回鞏都大一條係賀正啟今從微本歸賀正類

代回鞏都大

嶸○平齋集鞏權都大提點坑冶公事職事修舉直秘閣因其任治司

孝宗朝定鑄額歲十五萬緡積久浸虧六不及一
嶸推原弊端揣知楮輕貲重乃使楮與小各時其
直輕重足以相權小丁競勸小務倍入先是冶卒
窳惰多遺小泥滓中有司莫之察嶸置局淘洗所
得皆精良於是盡
還故額小音鑛

恭惟某官總攝三官阜通九府

食貨志太公為周立錢九府園法園即錢也

流地上知鞭筭之奏功

劉晏傳自言如見錢流地上每朝謁馬上以鞭筭互見前人

自日邊佇軺封之趣覲

見前

代回鞏都大

持索無功蒙誤恩之起廢

東坡湖州謝上表荷先帝之誤恩推置三館蒙陛下之過

聽付以兩州又辭免翰林學士承旨狀計此誤恩必難安處陳後山詩將老蒙誤恩太史公自叙春秋補敝起

廢柳文有起廢答山谷詩諸公起廢自林泉東坡詩今年聞起廢

飛牋為惠勤妙語之

噓枯

鄭太傳孔公緒清談高論噓枯吹生

有味其言不知所謝恭惟某官

器資凝遠材諳深長時方多艱政有藉貨財之本公雖

少屈亦足試陶冶之權行觀地上之泉流即聽日邊之

璽名

並見前

某授閒暮境

韓文投閒置散乃分之宜

躡陟秋卿煜然赤

牘之臨

亦通作尺陳遵傳性善書與人尺牘主皆藏去以為榮

甚矣蒼顏之愧藏

之十襲感恩意以無忘雖則七襄覺報章之弗稱

並見前

提舶

宋開寶四年置市舶司於廣州以知州兼使通判兼判官咸平二年令杭州明州各置市舶聽

蕃官從便熙寧中始變市法泉人賈海外者往復必使東詣廣否則沒其貨哲宗即位之二年始置泉州市舶後盡罷提舉官至大觀元年續置建炎中興罷兩浙福建市舶司歸轉運司明年復四年復置廣司

紹興二年廢福建市舶司十二年復乾道二年罷兩浙市舶。凡船舶之來最大者為獨檣船舶能載一千婆蘭蕃人謂三百斤為一婆蘭也。次曰牛頭船舶比獨檣得三之一。次三木船舶次料河船舶遞得三之一也。

代回市舶聶提舉

周臣

肅駕星軺總司海舶

市舶錄海南諸國海舶所緹蠻夷貨也。緹似接子立二切。舶音白蠻。

夷泛海舟增韻海中

大船舶千里有無得以慙遷

船舶音軸。船舶音盧。武帝紀船舶千

里注言其船多前後相御千里不絕也。詳見前。

胡越一家內外服其平準

唐貞觀七

年上從上皇宴故漢未央宮上皇命頡利可汗起舞馮智戴詠詩既而笈曰胡越一家古未有也。

是為

膚使允屬通材

見前

恭惟某官世濟象賢

左傳世濟其美濟成也尚書惟

稽古崇德象賢

早騰燕譽

詩慶既令居韓姑燕譽燕安譽樂也

青瑣舊物盍旋北

斗之樞畫戟凝香勉試南交之宅

並見前

不嚴而化

孝經

曰則天之明因地之義以順天下是以前不嚴而化

所去見思

循吏傳序所居民富所去見思

惟是嶺陬

韓文海嶺之陬既足既濡

久資

碇稅

碇丁定切本作碇錘舟石也韓文孔幾墓誌蕃舶之至泊步有下碇之稅始至有閱貨之燕公皆罷

之扶胥黃木習廉介之具孚

韓文扶胥之口黃木之灣互見前

銀甕白

環紛貢珍之並入

杜詩寸地尺天皆入貢奇祥瑞爭來送不知何國致白環復道諸山得

銀甕帝王世紀西王母慕舜之德來獻白環魏志自虞暨周西戎有白環之獻東夷有慎肅之獻皆曠世而至

宋志西王母舜時來獻白環白瑄丘希範書白環西獻
栝矢東來禮運山出器車注器車謂若銀甕丹甕顧野
王瑞應圖王者宴不及醉刑
罰中人不為非則銀甕出
貪泉酌水已知吳隱之心

晉書循吏傳吳隱之字處默弱冠而介立有清操廣州
包帶山海珍異所出一篋之寶可資數世前後刺史多
贖貨朝廷革嶺南之弊以隱之為廣州刺史未至州二
十里地名石門有水曰貪泉飲者懷無厭之欲隱之既
至語其親人曰不見可欲使心不亂越崖喪清吾知之
矣乃至泉所酌而飲之因賦詩曰古人云此水一軟懷
千金試使夷齊飲終當不
易心及在州清操愈厲
遙切說文扶搖風也從風
顏延年詩雕雲麗璇蓋祥
所以汎風韓文南海廟碑
刺史視冊有皇帝名曰其
恭且嚴如是吾將宿廟下
祥飈送騶佇應孔幾之召
早

供農事將事之夕天地開除月星明概祥飈送颿旗森
旌麾飛揚掩藹又尚書左丞孔戣墓誌云廣州南海廟
入海口為州者皆憚之不自奉事唯公歲常自行元和
十五年遷尚書吏部侍郎孔戣傳拜嶺南節度使交廣
晏然大治穆宗即位以吏部侍郎召改散騎常侍選為左丞
某卜隣有幸賀厦已稽

六和五羊難續遊仙之夢

廣州記廣州廳事梁工畫五羊像又作五穀囊隨像懸之

云昔高固為楚相五羊銜穀萃於楚庭故圖其像為瑞
六國時廣州屬楚寰宇記固為楚相有五仙人騎五色
羊各持穀穗一莖六出以遺州人騰空而去今呼為五
羊城南部新書吳修為廣州刺史未至州有五仙人騎
五色羊負五穀而來今州庭上圖之為瑞

尺書雙鯉空慙寄驛之情

見前

代回趙市舶

伯鳳

奏課分符乘輅司舶候風入貢固常聚蠻越之珍

韓文海外

雜國若耽浮羅流求毛人夷亶之州林邑扶南真臘于陀利之屬東南際天地以萬數或時候風潮朝貢蠻胡

賈人舶交海中

酌水獻箴要當試夷齊之飲

見上條

聞君廉甚職

此宜哉恭惟某官蔚若宗英濟之世美再試絃歌之政

所去見思一陶襦袴之功不嚴而治

並見前

惟時嶺外交

貨海中

見上文

然商賈筭至舟車漢非得已

食貨志非吏北者三老北

邊騎士輶車一筭商賈人輶車二筭船丈五以上一筭

匪不自占占不悉戍邊一歲沒入緡錢有能告者以其半畀若犀珠賄及僕隸唐已病之

韓文孔戣墓誌犀珠磊落賄及僕隸公皆

罷今大夫不務富其家

韓文使大夫恒無變其初無務富其家而饑其師

則行

旅必願出於市得人如此通國稱之某雖縻於茲行引

而去露螢不煖安得照十二乘之車


潘岳螢火賦啗朝露於曠野李百樂

咏螢詩不辭逢露濕祇為重宵行梁元帝咏螢大詩著人疑不熱集草訝無煙史記魏王謂齊威王曰若寡人國小尚有徑寸之珠

檣燕語留聊復答咫尺書之便

杜詩

照車前後十二乘
岸花飛送酒
檣燕語留人



四六標準卷二十三

欽定四庫全書

集部

四六標準卷二十四

詳校官庶吉士_臣何道沖

主事_臣呂雲棟覆勘

總校官進士_臣繆琪

校對官助教_臣羅萬選

謄錄監生_臣李玠

欽定四庫全書

四六標準卷二十四

宋 李劉 撰

漕使

職官志宋藝祖開基懲五季之亂藩臣擅有財賦不歸王府自乾德以後僭偽略平始置諸道

轉運使

以總利權開寶六年廣南平徐澤為判官始此其轉運使之名國初但曰勾當某

蓋轉運判官路水陸計度轉運事官高者則曰某路計度轉運使太平興國初皆曰使兩省以上則為都轉運使又置

副使與諸路判官又置同勾當轉運事俄罷諸路副使真宗每用兵或令都部署兼轉運使王師征討則

有隨軍轉運使事畢即停至道中詔曰天下物宜民間利害轉運使得以周知令吏互赴闕延見詢問慶

應中皆帶按察之任六年罷之先是判官與轉運爭權而罷至嘉祐中復置熙寧三年詔轉運使用本資

序人即充資序下一等為權二等為權發遣中興以來逐路都轉運使除授不常惟使副判官常置焉

賀新潼川黃運使

申○知
榮州作

疏恩北闕

見前

將漕東川

方輿勝覽蜀分廣漢為梓潼郡晉又分置新都郡蕭紀於郫縣

置新州隋改新州為梓州因梓潼水為名唐肅宗以梓州為東川節度治所

次公之最既殊

宜登丞弼

黃霸傳天子以霸治行終長者下詔稱揚徵霸為太子太傅遷御史大夫代丙吉為丞相

叔度之撓不濁暫借澄清

世說郭林宗詣黃叔度至彌日信宿人問其故林宗曰叔

度汪汪如萬頃之陂澄之不清擾之不濁其器深廣難測量也又陳仲舉登車攬轡有澄清天下之志和

氣褰帷仁聲載路

詩厥聲載路沈休文碑威令首塗仁風載路

恭惟某官負

材瓌碩迪德忱恂

尚書迪知忱恂于九德之行

怡然不辭小官之時

恢乎可以大受之量盤根利器無四顧之全牛

並見前

大

輅鳴鑾洗萬古之凡馬

班固西都賦大輅鳴鑾容與徘徊集乎豫章之宇臨乎昆明之

池餘見前

茲牧三近古之郡

東坡眉山遠景樓記吾州之俗有近古者三詳見前

實昔

再轉丞之邦

韓文再轉而爲丞茲邑

田里無愁歎之聲所居民富

循吏傳序所居民富所去見思詳見前

原隰有光華之遺果若人言惟益

部之使星俱高而潼漕之門地尤峻

潼音同說文潼水出廣漢郡梓潼北

界南入墊江一統志潼水出潼川府鹽亭縣南源自建州陰平縣竇圖山經綿州入本縣界下白馬河入涪江

按宋潼川府路轉運司在遂寧府

建臺移治蓋田諫議之言

田錫字表聖太宗真

宗朝為諫議大夫

持節策名有趙清獻之烈

趙抃為潼川路轉運使詳見前惟

公濟美與古匹休

尚書其作周匹休

使臣得咨訪之周上意知

總領之稱

魏相傳總領衆職甚稱上意

某偶乘一障獲託萬間蹊田

方窘於奪牛斗水誰憐於涸鮒

並見前

即日褰裳而求去

詩子惠思我褰裳涉溱駟傳褰裳濡足冠挂不顧

聞公攬轡而少留有刺史之

榮無刺史之難是在使者

韓文丈夫官至刺史亦榮矣雖然民之豐約縣於州民就

窮而歛愈急吾見刺史之難為也崔君為復州其連帥則于公崔君之仁足以蘇復人于公之賢足以庸崔君

有刺史之榮而無其難為者將在於此乎飲故人者恩按故人者法惟所命

之贊慶攸初乞憐是愧

並見前

賀黃運使交割

申○知榮州作

攬轡撫封褰帷問俗漕下水解溪原隰之載馳

並見前財

阜風薰與輶軒而偕至

舜南風歌南風之薰兮可以解吾民之愠兮南風之時兮可以

阜吾民之財兮民無罪歲帝有德星

天官書景星者德星也其狀無常常出於有道之國

後漢書裴楷傳注德星歲星也晉天文志德星大而中空或曰有三星亦名德星黃色煌煌然所見之國大昌異苑陳寶與諸子姪造荀淑父子討論於恭惟某官簡時德星聚太史奏曰五百里內有賢人聚

要而清通

世說吏部郎闕文帝問其人于鍾會曰裴楷清通王戎簡要皆其選也優游而

昭晰

韓文行峻而言厲心淳而氣和昭晰者無疑優游者有餘萬頃不濁何能撓叔

度之清四國于宣所去思次公之政

並見前

暫別峨眉之

月

李詩峨眉山月半輪秋

來觀涪右之風

涪江在鄭縣北通遂州通典潼川左帶涪水右

扶中江杜詩涪右衆山內金華紫崔

豈徒榮練鵲之袍

察二千石

宋史與服志錦袍有翠毛宜男雲鴈細錦師子練鵲寶照大錦景祐元年始詔河北河東

陝西三路轉運使副並給方勝練鵲錦從劉錠之請也

蓋將倚木牛之運出五丈

原

蜀志建興元年復出祈山以木牛運十二年悉大衆由斜谷出以流馬運據武功五丈原按五丈原在今

鳳翔府郿縣西
南二十五里

列城暫倚於澄清衆職恐煩於總領

魏相

傳宣帝始親萬機厲精為治練羣臣
核名實而相總領衆職甚稱上意

某冒乘斗壘幸隸

井封

漢書提封萬井井斗星名

君子憂道不憂貧餅之罄矣

詩餅之罄矣維

壘之耻正義曰壘器大餅器小酌酒者當多酌壘少酌
瓶不使小器先竭今瓶之既盡矣而壘尚盈滿是為酌
壘者之耻也
國人望公如望歲雨以潤之
左傳國人望君如望歲焉繫辭雷以動之風以散之雨以潤之日以烜之艮以止之兌以說之乾以君之坤以藏之

賀呂提刑除運使

詳刑奏最

後漢書劉愷傳以輕從重懼及善人非先王詳刑之意也
注書曰有邦有土告厥詳刑鄭

玄注云詳審察之也晉書玄帝紀布帳練帷詳刑
簡化唐龍翔中改廷尉正為詳刑大夫詳見前
轉漕

升華

漢食貨志轉漕甚遠
又兵甲轉漕之費

統部不移令已孚於先甲

易先

甲三日後甲三日王弼注甲者創制之令也創制不可
責之以舊故先之三日後之三日使令治而後乃誅也

事權益進命不待於重申

易重巽
以申命

六轡借留百城胥抃

恭惟某官負材鴻碩蓄德駿彪

詩受大共小共為下
國駿彪彪豐也厚也家

學淵源擅箕裘之弓冶世臣閥閱屹鼎鼐之樓臺盡徑

歸清切之班顧游屈皇華之寄

並見
前

二節三節俾詳察

於風謠

禮記凡君召以三節二節以走
一節以趨李密傳觀省風謠

特書屢書已茂

登於歲績

韓文答元侍御書足下年尚彊嗣德有繼將大書特書屢書不一書而已也

茲峻

躋於延閣俾專制於計臺地上錢流欲暫煩於鞭筭日

邊人至即遄上於橐班某幸甚受容復茲竊陰三熏三

沐僅能寓致於雙魚載馳驅行賦勞還之四牡

並見前

賀夔路徐運使

瑄

叱馭及疆

見前

褰帷問俗

後漢書賈琮傳黃巾新破兵凶之後選清能吏以琮為冀州刺史

史舊典傳車騎駕垂赤帷裳迎於州界及琮之部升車言曰刺史當遠視廣聽糾察美惡何有反垂帷裳以自

掩塞乎乃命御者褰之百城聞風自然殊震

察二千石知遠有於光華

見前登

百八盤亦備嘗於險阻

百八盤自峽入夔之路詳見前左傳險阻艱難備嘗之矣

神

明所相忠厚為周

國語忠信為周

恭惟某官德配春華氣涵秋

香

杜詩尚書氣與秋天香

平生仁義所學皆本於孔周

韓詩平生企仁義所

學皆周孔

單辭明清致君亦欲其堯舜

尚書明清於單辭東坡詩讀書萬卷不讀

律致君堯舜終無術

出騰縣最入重郎潛

張衡思玄賦尉廬眉而郎潛兮逮三葉而遘武

謂拾級以升高

禮記拾級聚足連步以上注謂前足躡一等後足併從之

忽抗章而

引外汶川鄖水今為湖北之偏州

汶水在今德安府應山縣西北二里經東

南入方家河湏于分切湏水在府城西北源出陪尾山石巖下遶城西隅東流入漢江俗稱府河亦名石潼唐

劉文房詩淮南搖落客心悲湏水悠悠怨別離早鴈初
辭舊關塞秋風先入古城池又暮雨不知湏口處春風

只到穆陵西德安
府宋隸湖北路

漢廣江沱久矣名南之美化

詩漢之廣矣不

可泳思又江
有沱之子歸

雙旌戾止五袴爰昭

見前

諒思檢校於杜詩

少陵有草堂檢校
收稻詩東屯所作

遂賦馳驅於周雅瞿唐五六月自昔

畏團團之天

韓詩瞿唐五六月驚電讓歸船怒水忽中裂千尋墮幽泉環迴勢益急仰見團團天

巫山十二峰何況濟朝朝之雨

李群玉宿巫山廟詩傳舟十二峰巒下仙佩仙

香夜半聞鮑溶巫山懷古詩十二峰巒闌翠微石煙花
霧犯容暉李涉詩十二山晴花盡開楚宮雙闕對陽臺
高唐賦旦為朝雲暮為行
雨朝朝暮暮陽臺之下
遂勞六轡峻陟萬山蛇退猿

愁人何堪而至此

蛇倒退胡孫愁皆峽路地名山谷詩竹竿坡面地倒退摩圍山腰胡孫愁

杜鵑無血可續淚何日金鷄赦九州又風殮水宿六十里地退猿愁八百盤又撐崖掛谷蝮蛇愁入青攀天猿

掉
頭
猿
啼
巖
嘯
公
所
至
以
晏
然

類猿音戎禺屬陸佃云大小猿長尾作金色俗謂

之金線猿生川峽深山中稗史云猿者猿之屬其雄毫長尺五常自愛護今大官為煖座者是也生深山中

千萬成群巖弦鷄切說文小鼠也春秋成七年食郊牛角何休云鼠中之微者按少陵石龕詩云熊羆咆我東

虎豹號我西我後鬼長嘯我前猿又啼則巖嘯當作鬼嘯為是巖鼠微物豈能嘯乎又韓退之詩猿呼巖嘯鸛

鳴啼則巖嘯或

聞蜀道分八使之權

蜀道八使謂成都夔州潼川利州四

路轉運使副使共八也

以夔漕為諸司之冠家有鹽井固足操用

度之羸

杜陵夢府書懷詩袁井為鹽速燒畬度地偏

民無錢爐似亦困征輸

之後一賢既入百姓何憂遠而使之觀其忠可窺上意

使者專焉得其道寧有遐心功名留久遠之看富貴乃

緒餘之事

並見前

如某者無用於世所敬惟賢頃聞武城

之絃睢盱慕蘭

睢呼回切盱勾于切睢盱視貌韻會小人喜悅司馬相如傳相如既學慕蘭相

如之為人也更名相如

近載益州之船邂逅識荆

見前

便蒙許載之

從車

詩命彼後車謂之載之魏文帝與吳質書從者鳴笳以啟路文學託乘於後車山谷詩後車載之回

風且復指迷於前路

歸夫以前路

稱曰知己知己未也

更容受察於六條

昌黎上張僕射書若使隨行而入逐隊而趨言不敢盡其誠道有所屈於

已雖日受千金之賜一歲九遷其官感恩則有之矣將以稱於天下曰知已則未也待以國士

國士報之寧敢貢諛於尺牘

見前

賀李運使

鼎

起家將漕揭節濟湘舊令尹之雙鳬甫去十五年之近
部刺史之四牡今察二千石而來民距躍以爭迎公馳
驅其何憚恭惟某官篤誠而明允簡要而清通言行擇
君子之中庸德業得賢人之久大

並見前

十年出幕孰居

行營司馬之先

杜詩十年出幕府新唐書韓愈傳裴度以宰相相度彰義軍宣慰淮西奏愈行

軍司馬

萬里封侯乃在諸妄校尉之後

班超傳此萬里侯相也李廣傳廣與

望氣者王朔語曰自漢擊匈奴廣未嘗不在其中而諸妄校尉以下材能不及中以軍功取侯者數十人廣不為後人然終無尺寸功以得封邑者何也張晏曰妄猶凡也勇襟望郎之被出褰膚

使之帷

並見前

爰從綠波青草之間

青草湖一名巴丘湖北連洞庭南接瀟湘

東納汨羅之水每夏秋水泛與洞庭為一水涸則此湖先乾青草生焉張志和漁歌青草湖中月正圓巴陵漁父權歌連杜詩洞庭猶在目青草續為名盡覽赤甲白鹽之勝金掌甫升於

卿月

並見前

玉鈴又屬之將星

廣韻兵鈴以開房神府以備非常後漢書方術傳鈴

決之符注兵法有玉鈴一篇王勃太公贊豹韜襍惡龍鈴
辟邪隋志有陰符鈴錄一卷唐李靖有兵鈴新書一卷
宋有景德虎鈴經歐陽永叔詩將論縱橫輕玉鈴謂兵
書也春秋元命苞上天一將為郎將史記天官書五帝
座後聚一十五星蔚然曰郎位旁一大星將位也晉天
文志郎將在郎位北主閱具所以為武備也王維詩天
官動將星漢

與其食武昌之魚又看種柳

吳志陸凱傳
童謠言寧飲

建業水不食武昌魚寧還建業死不止武昌居王介甫
寄鄂州張使君詩昔人寧飲建鄴水共道不食武昌魚
公來建鄴每自如亦復不厭武昌居陶侃傳侃性纖密
好問頗類趙廣漢嘗課諸營種柳都尉夏拖盜官柳植
之已門侃見駐車問曰此是武昌西門前柳何因盜來
此種劉禹錫詩一辭溫室樹幾見武昌柳錢起詩曉泊
武昌岸津亭疎柳風數株曹
手植好事憶陶公又字重上
不若蠟永嘉之屐少待成

爪阮孚傳乎性好屐或有詣孚正見自蠟屐因自嘆曰未知一生當着幾量屐神色甚閑暢南史謝靈運傳

為永嘉太守尋山陟嶺必造幽峻巖嶂數十重莫不備盡登躡常着木屐上山則去其前齒下山則去其後齒

有懷清絕之大招

杜詩湖南清絕地萬古一長嗟大招屈平所作平為懷王左徒王信讒疏

平平自傷忠而被謗乃作離騷經以諷不見省納及襄王立又放之江南乃復作九歌天問九章遠游卜居漁汨羅以死復賦皇華之小雅皇華小雅篇名暮捲西山之雨

曉行湘水之春洞庭無波聊護木牛之運牂牁為徼皆

知竹馬之迎

並見前

有功見知

詩序四牡勞使臣之來也有功而見知則說矣不

遠伊邇

詩中心有遠不遠伊邇箋邇近也言君子與已決別不能遠維近耳

某強顏佐郡

偃指終更

偃委羽切說文倮也廣韻不伸也偃指猶言屈指

非有海沂之功可

歌別駕

並見前

豈謂瀟湘之地又逢故人

雲溪友議徐侍郎安貞久居中

書參李右座議恐其罪累乃逃隱衡山嶽寺為行者李北海邕寓寺見所題寺梁乃召至握手曰朝列于公已息論矣因同載北歸止潭州察使相迓徐侍郎指李北海呼曰行者瀟湘逢故人得隨歸客右座林甫也柳潭詩瀟湘逢故人劉長卿詩遠客瀟湘裏歸人何處逢詳見前

偶聞報之不先慙奏記

之已晚

朱博傳文學儒吏時有奏記

儻憐秋水長天之共其善助之

庶安清風明月之分會且歸兮

詩會且歸矣無庶予子憎餘並見前

通張運使

嗣古

飲水西江未及瞻舍人之樣

古德機緣龐居士參馬祖問不與萬法為侶者是甚

麼人祖曰待汝一口吸盡西江即向汝道此借用餘見前

披雲南嶽行當參都漕

之臺

樂廣傳瑩然若披雲霧而覩青天詳別見東坡韓文公廟碑公之精誠能開衡山之雲而不能回憲

宗之感漕司兩省以上為都轉運使

欲提聾丞

黃霸傳長史許丞年老病聾督郵白彼逐之霸曰許

丞廉吏雖老尚能拜起迎送正頗重聽何傷

上累膚使寸丹炯若

杜詩丹心一寸灰

尺素布之

飲馬長城窟行呼兒烹鯉魚中有尺素書

恭惟某官心契九秋眼

高四海

東坡詩眼高四海空無人

周情孔思探鳳髓以調膠

十洲記鳳麟洲

在西海中央地方一千五百里洲上多鳳麟仙家以鳳喙及麟角合煎作膠名曰集弦膠一名連金泥膠青色

如碧玉漢武時西王母使獻靈膠四兩帝不知其妙以
付庫帝幸上林苑射虎弦斷使從駕因取一分膠口濡
以集弦射虎而帝使武士對挽終不脫勝於舊弦杜詩
麟角鳳觜世莫識煎膠續絃奇自見杜牧詩杜詩韓筆
愁來讀似倩麻姑癢處搔天外宋艷班香拔鯨牙於刺
鳳凰誰得髓無人解作續絃膠
手杜牧詩高摘屈家艷濃熏班馬香韓詩刺手拔鯨牙
舉瓢酌天漿注魏道輔云高至於酌天漿幽至於拔
鯨牙其思曠深遠如此詎
止於曹劉沈宋之間耶早司存於雨露既感會於風

雲

並見前

厭承明之廬人共期於三入

嚴助傳厭承明之廬魏應場詩問我

何功德三入承明廬

歸靈光之殿天寶相其獨存

王延壽魯靈光殿賦序自西京

未央建章之殿皆見隳壞而靈光歸然獨存

聊歌小雅

意者豈非神明依憑支持以保漢室者也

之皇華來領大招之清絕上原下隰拓長沙千里之平

重江複湖護洞庭九州之大

並見前

齒髮未凋於計相

張蒼

傳天下初定公卿皆軍吏蒼為計相蒼免相後口中無齒食乳

腹心當屬於留侯

漢書敘傳

信布瓜牙腹心良平

豈舍王哉今名君矣

汲黯傳吾今名君矣

伏念某蟬聯

成紀

揚雄傳有周氏之蟬媽兮應劭曰蟬媽連也說文聯連也從耳耳連於頰也從絲絲連不絕也吳都賦蟬聯丘陵韻會蟬聯不絕之貌南史宋王鈞七葉之中爵位相繼人人有集沈約謂人曰自開闢以來未有

爵位蟬聯人才相繼如王氏之盛者韓詩

脩胃本蟬聯漢書李廣隴西成紀人也

見徙臨川

爾雅

鵬沈鳬沈鳬好沒楚辭將汜汜若水中之鳬乎鳬無定居故云鳬徙

家故一寒無虵蜉蟻

子之援官仍獨冷有驪駒狗曲之嘲

並見前

歸尋黃獨之

苗

杜詩黃獨無苗山雪盛

甘老青精之飯

杜詩豈無青精飯使我顏色好

猥蒙文

石之陞

梅福傳願壹登文石之陞涉赤墀之塗

俾讀武岡之銘

柳文有自武岡銘

非使者之汝容

東坡詩勸農使者不汝容因君作詩先自劾

轉恐丞哉之余

負

見前

鄉人見孺子之入諒亦惻於仁心長史無宰相之

才詎敢干於薦口

新唐書張柬之傳武后謂狄仁傑曰安得一奇士用之仁傑曰陛下求文

韋資歷今宰相李嶠蘇味道足矣豈文士齷齪不足與成天下務哉后曰然仁傑曰荊州長史張柬之雖老宰

相材也韓詩幾欲犯嚴出

薦口氣象碑兀未可攀

通湖南黃運使

桂

乘輅將漕

漕在到切說文水轉轂也王隆小學篇以水通輸曰漕

攬轡濟湘光粲

壁奎卿月謂升於金掌

見前

祥開翼軫魁星顧聚於玉衡

晉天文志魁四星為旋璣杓三星為玉衡

四海歎然重湖幸甚恭惟某官果

達而藝直大以方

宋孫宗鑑東皋雜錄云東坡好嘲謔以呂微仲豐碩每戲之曰公真有大

臣體此坤六二所謂直方大也微仲拜相東坡當制云果藝以達有孔門三子之風直大而方得坤爻六二之

動

文武兩科蚤占群英之冠冕忠信一念允為百世之

楷模恬要路之在前甘急流之勇退東觀聿躋於蓬頂

俱見前

南風遽愴於棘心

詩凱風自南吹彼棘心棘心夭夭母氏劬勞

既釋素

冠盍持紫橐顧賦皇華之雅來尋清絕之騷

俱見前

開天

柱紫蓋之雲民若洞見

長沙志衡山七十二峰最大者五祝融紫蓋雲密石廩天柱東

坡詩洞庭青湖渺無際天柱紫蓋森欲動尚書用顧畏于民若

澄洞庭青草之水地險

彌堅杜陵何憚於曉行賈傳即觀於夜對某一寒寡與

三暑投閑

俱見前

頃者誨館下之生不能教胄

尚書命汝典樂教胄

予今茲補黔中之佐定是負丞

見前

所幸綴曲江之題

黃蓋

李之同年

或可逃直指之斧貴賤位矣雖有一龍一豬之分

繁辭卑高以陳貴賤位矣韓詩三十骨骼成乃一龍一豬

左右采之固在四牡四駱

之下

見前

通潼川程運使

遇孫。宋潼川路轉運置司治遂寧府小溪縣

度劍閣之險戍月悽然

方輿勝覽大劍山在劍門縣亦名梁山小劍山在其西北三十

里輿地廣記山有小石門穿山通道六丈有餘其地連山絕險又謂之劍閣道大劍雖號天險有扼塞可守崇墉之間徑路頗夷小劍則鑿石架閣有不容越太白所謂一夫當關萬夫莫開者此也張載劍閣銘惟蜀之門作固作鎮是曰劍閣壁立千仞窮地之險極路之峻李詩劍壁門高五千丈石為樓閣九天開又劍閣重關蜀北望玉臺之遙使星明甚

少陵玉臺觀詩中天積翠玉臺遙上帝高名絳節朝公自

注玉臺觀滕王造又閬山歌閬州城東靈山白閬久欲
州城北玉臺碧注唐志閬州有靈山又有玉臺觀

布仰高之悃

趙壹傳仰高希
驥歷年滋多

茲併修賀上之恭

白樂天
詩賀上

人為得報書大
誇州宅似仙居

恭惟某官心平而行高人今而學古彰

纓諾仕大夫爭羅而致之澤笏造朝廷臣無出其右者

並見
前

捨萬里九霄之騰踏

韓詩飛黃
騰踏去

廿五年一節之回

翔禮記翔回
馬鳴號馬

不辭載馳載驅之勞茲見可大可久之業

碩果何嫌於不食

易碩果不食君子得與小人剥廬王
弼注處卦之終獨全不落故果至于

碩而不
見食也包瓜自得於含章

易以杞包瓜含章有隕自天
王弼注包瓜為物繫而不食

者也九五履得尊位而不遇其應得地而不食含章而未發

皇皇者華昔固重周原

之寄湜湜其沚今况屯渭上之師

湜承職切說文水清底見也詩湜以渭蜀

湜湜其沚注湜濁水渭清水小渚曰沚言湜水以有渭水清故見其濁以興舊室以有新昏美故見其惡湜湜蓋言渭水之清引此以起下渭上屯師乃斷章取義蜀志十二年春丞相率大衆與司馬懿對於渭南患糧不繼分兵屯田為久住之基願策木牛流馬之功却振金爵觚稜之步

班固西都賦上觚稜而棲金爵注觚稜闕角也角上棲金雀

某學未能信年不後人

見前直為文翁留再剖之符

杜詩得歸茅屋赴成都真為文翁再剖符

遂使石

洪棄一盂之飯

韓文送石處士序先生居蒿邨澁澁之間冬一裘夏一葛食朝夕飯一盂蔬一

盤舟經灩澦鬢已覺其雙蓬

杜陵寄別李劍州詩使君高義驅今古牢落三年坐

劍州路經灩澦雙蓬

路入褒斜命復危於破竹

杜詩懸危命在

破竹

徒覺長安之咫尺竟慙淝水之八千

謝玄傳玄以精銳八千涉

渡淝水堅衆奔潰自相蹈藉投水死者不可勝計淝水為之不流

河內願借留恂豈但

任轉輸之委

見前

漢中無所事信倘或辱汲引之知

韓信傳王

必欲長王漢中無所事信必欲爭天下非信無可與計事者

回潼川提刑權轉運謝太傅

興甫

守蔽芾之甘棠正疑謫滿

游俠傳侍曹輒詣寺舍白遵曰陳卿今日以某事適遵曰

滿百乃相聞師古曰案舊歌逶遲之苞栩敢冒恩除詩

四

生駢駢周道倭遲又翩翩者騅集於苞栩王事靡盬不

還將父注倭本作委委遲歷遠之貌

栩柞櫟也其子有

皀斗穀可以染皀

者是也滿除對

甚慙不留而畬

易无妄六二不耕穫

王弼注不耕而穫不留而畬

又懼無麪之餅

見

亟從控

避猥辱褻期恭惟某官心和而氣平人今而學古源流

自康樂之裔

宋書謝靈運傳祖玄晉車騎將軍靈運少

服鮮麗衣裳器物多改舊制

世共宗之咸稱謝康樂也

灑落有宣遠之風

南史謝瞻字宣

遠六歲能屬文與從叔招館下之諸生詎嘗狶苓之進

琨族弟靈運俱有盛名

四六標準

十五

展治中之別駕不辭驥足之淹尋宅牧於兩川俱騰歌

於五袴

並見前

手提文柄心造化爐

杜詩功名造化爐

禮樂遠而

先華遂驅雙節

白樂天送牛僧孺鎮揚州詩紅旆擁雙節白鬚無一莖

師旅因之

饑饉全出一陶茲暫尋香火之閑

見前

寧得歛雲霄之步

重珪疊組已觀游刃之恢然截鐙留鞭共看發矂之新

若

天中記澤州奏前刺史史延鞠離州為軍民遮圍不放出城兼截下馬鐙其史延鞠經三日後夜開城門

越關天寶遺事姚崇牧荊州三年受代吏民遮道泣擁馬首不使去所乘之馬鞭鐙皆截留之以表瞻戀佇

遙四牡徑從六飛

從去聲袁盎傳騁六飛注六馬之狀若飛

某已愧代庖詎

堪乘傳折楊而和白雪願亟賦於歸哉

莊子大聲不入於里耳折揚皇

琴則嗑然而笑注大聲謂咸池六英之樂也非委巷之所尚折揚皇琴皆古歌曲名也詩振振君子歸哉歸哉

轉粟而上青天冀別求於能者

杜詩築城依白帝轉粟上青天

通成都梁運使

綸。代董制帥

隨八月之槎遂離漢闕望二星之分已次蜀都

並見瞻

之在前瞠乎若後

瞠抽更切直視也莊子瞠若乎其後

敢伺下車之始輒

修上記之恭

並見前

恭惟某官器宇弘深

梁書朱异傳器宇弘深神表峰

峻王僧辨傳器宇凝深風格詳遠晉書魏詠之傳器宇弘劭識局貞隱劉長卿詩器宇溟渤寬文鋒鏌鉅利

風猷凝茂

任昉傳存樹風猷沒著徽烈

學有家法肯甘州縣之徒勞

儒林傳各以家法教授左雄傳諸生試家法注儒有一

家之法故稱家梁竦傳聞居可以養志詩書足以自娛

州縣之職徒勞政作吏師自合公侯之必復

朱博傳贊所在而治

為世吏師

勇褱潜郎之被高褰膚使之帷古來天府之腴莫

如益部今使雪山之重是在我公諒由四牡之華即有

九年之積不勞黔突亟下紫泥

並見前

某久汙班行

韓詩班行

再肅

獲聯事契豈謂半符之剖又依六轡之馳江路市

橋想已遂碧鷄之訪

杜詩孰知江路近頻為草堂迴入市橋官柳細

天梯石棧

得無憐黃鶴之飛

蜀道難地崩山摧壯士死然後天梯石棧相鉤連黃鶴之飛尚不得過據

孫欲度愁攀緣

上兩浙丘運使

壽雋

索米待公車之命僅志抱關

見前

轉粟給中都之官猥容

入幕

杜氏通典漢興高皇帝漕轉山東之粟以給中都官歲不過數十萬石中都官謂京師之官府

實

有得賢主人之賀

昌黎代張籍與李浙東書近者閣下從事李協律翔到京師籍於李君友

也不見六七年聞其至往省之問無恙外不暇出一言且先賀其得賢主人

未知事大君子

之方

昌黎為河南令上留守鄭相公啓以為事大君子當以道不宜苟且求容悅故於事未嘗敢疑惑宜

行則行宜止則止受客受察不復進
謝自以為如此真得事大君子之道
斐然修辭滂若下

汗

吳質書申之再三赧然汗下魏蔣濟
上疏請封禪詔曰聞斯言汗出流足
伏念某寸勇尺

懦

山谷詩士為欲心
縛寸勇輒尺懦

一拙百罹

詩我生之初尚無為我
生之後逢此百罹說文

罹心憂也爾雅毒也注云憂思慘毒

學不知方徒爾疲精神於蹇淺

莊子小夫

之知不離苞苴竿牘敗精神乎
蹇淺注昏于小物所得者淺

仕未能信尚何計班資

之崇庫

韓文商賄之有無計班資之崇庫

然半生脫進士之場已三仕

作諸侯之客

杜詩蚤作諸侯客

碧鷄坊裏側身猶望於早還

杜詩

時出碧鷄坊西郊望草堂山谷詩碧鷄坊西結茅屋百
花潭水縈冠纓馬援傳併肩側身於怨家之朝乎劉愷

傳側身里巷晉書孫惠傳側身昏謬之俗跼蹐凶諂之
間杜詩側身天地更懷古又側身十里道李詩錦城雖
云樂不如早還家蜀道之難難
于上青天側身西望長咨嗟
白鹿坡前戰骨自甘於

速朽

白鹿山在彭縣西北二十里上有金覺禪寺相傳佛圖澄所建

偶獲返屠羊之後

見前

乃游罹舐犢之悲

楊彪傳愧無日磾先見之明猶懷老牛舐犢之愛

五削猶

溫一簣正須於補考

削息約切考工記蔡氏為削即今書刀古用竹簡筆誤則以刀削之

因名其刀曰削春秋筆則筆削則削原陟傳削犢為疏

百念既冷連年不果於到

銓親故開陳勉強抵此公卿推輓同候久之

韓文同候於公卿之

門

敢期得闕於日畿

見前

乃可託身於水漕

趙充國傳水解漕下使

者持斧實總陝東陝西之權

王莽傳分陝立二伯師古曰分陝者欲依周公召公

故事自陝以東周公主之自陝以西召公主之

賓之初筵宜得洛南洛北之彥

詩賓之初筵左右秩秩韓文恃才能深藏而不市者洛之北涯曰石生其南涯曰溫生

詎應庸謏

謏者剪淺也史記能薄才謏

可備諮諏伏遇某官學本家傳材周世

濟四顧千牛之立解

見前

一鳴萬馬以皆瘖

東坡三馬贊時西域貢馬

首高八尺龍顙而鳳膺虎脊而豹章振鬣長鳴萬馬皆喑

人懷名虎之來宣

詩王命召虎來

旬未宣

日望伯禽之拜後

見前

導夙夜宥密之命亦既許時

許語助餘見前

聯朝夕論思之班自應平步

白樂天詩平步取公卿

頃以

翼翼四方之極託之皇皇六轡之華磔其梟狼了不容

於掩耳

韓文磔其梟狼養以雨風六韜用兵之道使如疾雷令民不及掩耳卒電不暇瞑目梁書侯景

傳疾雷不及掩耳散地不可圖全李靖傳兵機事以速為神震霆不及掩耳

壯哉鼠雀必從

是以革心

梁書張率字士簡吳郡吳人嗜酒事事寬恕於家務尤忘懷為新安太守遣家僮載米三

十石還吳宅既至遂耗大半率問其故答曰鼠雀耗也率笑曰壯哉鼠雀竟不研問六條觀風萬

物吐氣

見前

孝者善繼人志是以似之

詩維其有之是以似之

欽哉

時亮天功自此升矣

尚書欽哉惟時亮天功楊震傳先生自此升矣

尚念某一

無操挾全蹈闊踈鵲遶月以何依幸二天之獨有

並見前

魚泳川而相得或尺地之可通

昌黎徐泗濠三州節度掌書記廳石記志同而

氣合魚川泳而鳥雲飛也愈樂是賓主之相得也故請刻石以紀之薦士詩通波非難圖尺地易可漕

尚

從吏師

韓非子明王之國無書簡之文以法為教無先王之語以吏為師漢書傳贊薛宣朱博皆起佐

史歷位以登宰相宣稍勉政學

左傳子產曰僑聞學而後入政未聞以政學者

也
大事則從其長儻堪藏拙於小官

周禮大事則從其長小事則專達國

史典纂梁常侍徐陵聘齊時魏收文學北朝之秀收錄其文集以示陵令傳之江左徐還濟江而沉之從者以問陵曰吾為魏公藏拙韓詩倚玉難藏拙吹竽久混真先達者為之前諒亦垂情

於後輩

韓文士之能享大名顯當世者莫不有先達之士負天下之望者為之前焉

上湖南曾運使

槃○蓋任
寧鄉簿作

主俗吏之簿書竈方夜祭

賈誼傳俗吏之所務在於刀筆筐篋而不知大體餘見前

瞻華使之禮樂槎自天來

見前半生忍渴於見賢諸葛武侯傳總

攬英雄思賢如渴山谷詩
空餘見賢心忍渴望梅嶺

一旦奉身而受察

左傳臣之祿君實有

之義則進否則奉身而退

喜而不寐文以足言

左傳仲尼曰志有之言以足志文以足言

不言誰知其志言之無文行之不遠

恭惟某官得春委和

莊子生非汝有是天地之委和

也注委結而自成非汝有也

與秋爭潔接江西之正派克肖茶山

幾

字吉父贛州人以遺澤補官詮試第一賜上舍出身紹興末已老始擢用乾道中年八十三卒號茶山先生仕

至禮部侍郎有文清集十五卷行于世其子逢遠皆顯于時詳見首卷

抱河南之遺書久

窺禹穴

司馬遷傳上會稽探禹穴注禹巡狩至會稽而崩因塋焉上有孔穴民間云禹入此穴

根

抵學問

抵音底平上去三聲通押說文木根也爾雅本也徐曰華葉之根曰帶木之根曰抵杜詩詞林

有根抵

緒餘功名生平惡巧宦之圖握蘭屬爾

汲黯傳深巧善宦四

至九卿

所至成循吏之傳騎竹驩然游蔽芾於甘棠始透

迄於芭栩

並見前

謂予環而趣侍

荀子聘人以珪問士以璧召人以瑗絕人以玦

反絕以環

又濡轡而載馳去江入湖彼善此盖有之矣轉倉

將漕唯與阿相去幾何

老子唯之與阿相去幾何唯阿皆應聲唯恭阿慢也人疑

王事之獨賢公未帝城之願入

陳湯傳陳咸滯於郡守數賂湯子書曰即蒙子

公力得入帝城死不恨

洞庭九州之大近困轉輸見衡山千里而

遙正須廉訪

禮記自江至於衡山千里而遙

揮王志慮

揮他紺切說文探也周禮揮人

掌誦王志道國之政事以巡天下之邦國而語之使萬民和說而正王面又秋官掌交道王之德意志慮使咸知王之好惡辟行之摩俗痛愁續荆潭唱和之詩不妨幽眇韓文有荆

潭唱和詩序唐藝文志有裴均荆潭唱和集一卷乃裴均鎮荆州楊憑領湖南所作序云鏗鏘發金石幽眇動

鬼對宣室鬼神之問會即超遷見前某承學諸生董仲舒傳今陸

下幸如意留聽於承學之臣師古就官一列莊子加富

日言轉承師說而學之蓋謙辭也

一列血狂而埋之

寒窻事業昔知對白以抽黃

元稹詩暗風吹雨入寒牕陳後

山詩寒窻冷硯欲生塵柳文抽黃對白渰渰飛走

矮屋官曹今使出朱而入墨

周書蘇綽傳即拜大行臺左承參典機密綽始制文案程式朱出墨入及計帳戶籍之法陳後山詩胡然落朱

墨不坐致公侯

懷哉君子之易事樂只小官而不辭向來一辦

香之詩南豐固在

陳後山詩向來一辦香敬為魯南豐

下有千歲苓之句

東坡謂何

山谷上蕓子瞻詩青松出澗壑千里聞風聲上有百尺絲下有千歲苓

通權運司牛都大

大年○宋史牛大年字隆叟揚州人慶元二年進士歷官將作

監主簿遷軍器監主簿太宗正丞四川提舉茶馬兼權總領知黎州兼管內安撫司公事節制黎雅

州屯戍軍馬加直寶章閣工部郎官遷侍左郎中
進直華文閣浙東提點刑獄遷守秘書少監宗正
少卿升秘書監遷起居舍人升起居郎兼崇政殿
說書以寶章閣待制提舉太平興國宮卒大年清
操凜然所至
以廉潔自將

承流弗績亦思歸味於蓴鱸

晉書文苑傳張翰因見秋風起乃思吳中菰菜蓴羹

鱸魚膾曰人生貴適志何能羈宦數千里以要名爵乎

轉漕非才敢取棄餘之竹

馬

殷浩傳桓溫語人曰少時吾與浩共騎竹馬我棄去浩輒取之故當出我下也

負決難於超

乘

易負且乘致寇至左傳秦師過周北門左右免胄而下超乘者三百乘超乘謂車正行之時超上車而乘

之以示

僂已見於循墻

僂隴主切增韻俯也又郎侯切增韻身向前也左傳一命而偃

再命而僂三命而俯循牆而走

盍以寸局

局涓熒切左傳周道挺挺我

之布之尺牘恭惟某官洙泗正學

禮記吾與汝事夫子洙泗之間注洙泗

魯水名地理志洙泗之間斷斷如也從征記洙泗二水交于魯城東北七十里闕里有洙泗牆南北一百二十

步東西二十步四門各有石閭北門去洙水百餘步論語考識注夫子教于洙泗之間今于城北二水之中即

夫子領徒之所儒林傳務正學以言

淮海俊人

杜詩淮海維揚一俊人

言行一擇乎

中庸名實兩孚於上下清標雅操立獨鶴於人間

杜詩仙鶴

下人間獨立霜毛整又獨鶴不知何事舞又獨鶴歸何晚又獨鶴原依渚

遠韻遐心送孤鴻

於天末

新唐書韋夏卿傳夏卿性通簡好古有遠韻詩母金玉爾音而有遐心

頃厭獬豸

鵲之命來為蠶叢魚鳧之遊天子十二閑爛如雲錦

並見

月團三百片美若金莖

金莖謂露也班固西都賦撫仙掌以承露攢雙立之

前

金莖餘

廉不近名

莊子為善無近名

儉皆中禮

詩序蟋蟀刺晉僖公也儉不中

見前

禮其詩曰無已太康職思其居毛萇注云已甚也鄭箋

云君雖當自樂亦無甚太樂欲其用禮為節也南史何

炯傳必須儉而脂膏自潤昔者人謂斯何東觀記孔奮

中禮無取苟異字君魚守姑

臧長七年詔書以為奮在姑臧治有絕迹賜爵闕內侯

奮素孝在姑臧惟老母極珍膳妻子飲食葱芥時人笑

之或嘲奮曰置脂膏中不能自潤而奮不改其操又見

後漢書昌黎鄆州谿堂詩昔者人謂斯何今者人謂斯

何圖史凝塵去之日如始至新唐書楊綰字公權性沉

靜獨處一室左右圖史凝

塵滿席澹如也左傳叔孫所舍雖王覲為可左傳厚問

一日必葺其墻屋去之日如始至王覲為可帝念在茲尚書念茲在茲釋茲在茲名言正

須清獻之一琴見前往減汾陽之半樂楊綰傳綰儉約未嘗問生事始輔政

御史中丞崔寬本豪侈城南別墅池觀堂皇為當時第一即日遣人毀之京兆尹黎幹出入從騶騎數百省損

才留十餘騎中書令郭子儀在邠州行營方大會除書至音樂散五之四聞風靡然自化者不可勝計某

從游二紀奔走百罹見前方甘弄月於眉山李詩一振高名滿帝都歸

時還弄峨眉月敢望占星於益部見前已騰免牘冀奉俞音萬一

不已於馳驅再三尚求於教誨汝張汝弓汝鼓當飽顏

行韓文元和聖德詩汝張汝弓汝鼓汝鼓汝為表書求我帥汝我任我輦我車悉希

指示

詩我任我輦我車我牛我行既集蓋云歸哉疏召伯南行其轉運有我負任者我輓輦者我將車者

我牽傍牛者在前
日牽在旁曰傍

代回夔路王漕

顧問

疇庸司庾易節將輸激江西之波既蘇涸轍之鮒

莊子車轍

中有鮒魚焉曰我東海之波臣也君豈有斗升之水而活我哉周曰諾哉且南遊吳越之王激西江之水而迎子可

踏巴東之磧更觀常山之蛇

圖經夔人重諸葛武侯以人日傾城出遊

八陣磧上謂之踏磧婦人拾小石之可穿者貫以絛索繫於鈇頭以為一歲之祥府帥宴於磧上王梅溪詩今

日為人日傾城出江皋遨頭老病守呼賓酌春醪好遨
蜀風俗變人貧亦遨陸務觀詩鬼門闕外逢人日踏歌
千家萬家使乎賢勞王所簡在恭惟某官德浮於位材
出餘見前

裕其官熟路輕車固有長驅之地急流巨艦獨高難進之

風一麾江海之行千里湖山之得既田里之無愁恨宜

原隰之有光華

並見前

或謂歛散之權

周必大詩歛散新陳倚繡衣

未

展澄清之志木牛轉漕何妨籌策之紆

食貨志兵甲轉漕之廢杜詩三

分割據紆籌策萬古雲霄一羽毛

金馬著書行見詔除之渥某緬惟新

治恍憶舊遊福星所臨遙想疲民之樂業

並見前

豐年可

慶幸為老守而寄聲

趙廣漢傳界上亭長寄聲謝我韓詩因風數寄聲

代回夔路王運判

宗孟

游歷麾符榮將節傳彤幃繡斧新禮樂之光華

幃虫占切車幃

謂之裳帷職源皂蓋分輝彤幃昭采

赤甲白鹽壯江山之彈壓

見前

既均六

轡

詩我馬惟駟六轡既均注均調也

坐幹千艘

漢書注幹謂主領也音與管同艘蘇曹切說文

船總名杜詩海湖淘千艘

恭惟某官抱負甚奇

後漢書儒林傳莫不抱負墳策雲集京師

韓文抱負其業東歸於家

踐揚茲久屢登一鄂之表綽著能聲四分

五馬之符居多善政有華將指不遠觀風認常山之蛇

默識木馬之運

並見前

跨灝瀕之象佇觀畫鷁之來

韻集鷁首

天子船也淮南子龍舟鷁首浮吹以虞此遊於水也注鷁水鳥也畫其象著船首方言船首或謂之閣又謂之鷁首注今江東貴人船前作青雀是其象也子虛賦急而後發游於青池浮文鷁揚旌棧梁王筠詩凌波漾鷁彩汎水渙蛟文陳張正見詩鷁某漫浪之期差池其羽汎青鳬後鷁鳴白鷺前餘見前

詩燕燕于飛差池其羽

走長安之日又陪上雍之祠

杜牧詩惆悵江湖釣竿手

却遮西日向長安司馬遷傳又薄從上雍郊祀志上初至雍郊見五峙

占蜀道之星還作

高唐之想

見前

回潼川張運判

師夔○代董制置

傾蓋相驩夙承雅契

家語孔子之剡遺程子於途傾蓋而語終日鄒陽傳白頭如新傾蓋

如故注傾蓋猶交蓋駐車也

驅車見顧敬佩高情更勤四六之貽彌

仞再三之眷恭惟某官材猷膚敏器諳端凝使節皇皇

夙抱靡依之感

詩皇皇者華傳皇皇猶煌煌也忠臣奉使能光君命

吉事總總行

膺不次之除

禮記喪事欲其縱縱爾吉事欲其折折爾注縱讀如總領之總急遽貌折音提安舒

貌正義曰言凶事欲疾吉事欲舒今云吉事總總未詳東方朔傳待以不次之位張九齡選舉疏每一官缺以不次用之孫伏伽傳高祖初受禪伏伽最先諫欲盡下情故不次見拔以示群臣崔造傳德宗貞元二年以給事中同平章事帝謂造敢言為能立事故不次用之某盛感珍投莫知瓊報前藏

之十襲足為篋笥之光

關子宋之愚人得燕石于梧臺之東歸而藏之以為寶革匱十

重緹巾十襲客見之掩口而笑山谷詩十襲一日三摩莎雖則七襄不稱檐榆之贈

前見

代回運使楊國博

楫

丹筆詳刑幸依光於翼軫

地理志楚地翼軫之分莖王勃滕王閣序星分翼軫餘見

前繡衣轉漕忽改次於斗牛

食貨志轉漕甚遠又兵甲轉漕之費天文志斗江湖

牽牛婺女揚州地理志吳地斗之分野粵地牽牛婺女之分野天文志自南斗十二度至須女七度為星紀於辰在丑吳越之分野屬揚州甚慙狗鐸之初

尚書每歲孟春道人以木鐸徇于道路食貨志

孟春之月群居者將散行有舂褰帷之慶韻會舂通作人振木鐸徇于路以采詩訣別也恐當

作缺少也高情厚甚下問愕然恭惟某官獨抱古心韓詩孟生

江海士古貌又古心力行正道太學晨入士皆樂於有師湘水曉

行民蓋幾於無訟師訟卦名自天出綽易地乘輶並見前莫非

王民何此界彼疆之隔詩無此疆爾界陳常于時夏徒得君重助春

生秋殺之仁管子春生於左秋殺於右夏長於前冬藏於後韓文春生秋殺陽開陰閉猶恐

紫泥不容黔突某罔功閱歲撫事懷人有所不通方將

考德而問業何去之速遂使離羣而索居禮記吾離群而索居亦已

久矣注離音詈群謂同門朋友也索悉各反猶散也

所幸隣壁之輝尚借榮河之

潤

尚書中候帝堯即政榮光出河文選青雲浮洛榮光塞河莊子河潤九里澤及三族

交泰亨而

君子長惟此為然

易泰小往大來吉亨則是天地交而萬物通也上下交而其志同也君子

道長小人道消也

有德進則朝廷尊遐不謂矣

東坡集士以德望進則風俗厚

而朝廷尊

代董制置回利路楊運判

九鼎

升班延閣易漕价藩

見前

煥乎有文章上直堯言之秘

夏侯

勝傳嘗見出道上語上聞而讓勝勝曰陛下所言善臣故揚之堯言布于天下至今見誦臣以為可傳故傳耳

送之以禮樂再華周道之驅就擁雙旌榮開疊組恭惟

某官揆材膚敏稟德浚明湘水兒童能說輜軒之風采

黃霸傳風采不及丙魏于定國趙峴山老父尚懷裘帶

壹傳名動京師士大夫想望風采

之功名

見前

暫從神圉之遊

主宮觀

實簡明廷之眷駕言龍

節

詩駕言出游以爲我憂

將指夔藩

見前

富媪孕靈坐溢牢盆之利

柳文晉問猗氏之鹽晉寶之大也神液陰澆甘鹵密起富媪孕靈不受其美迴眸一瞬積雪百里詳見前食貨志因官器作鬻鹽官與牢盆蘇林曰牢盆價值也今世人言顧手牢如淳曰牢廩食也古者名廩曰牢盆鬻鹽盆也師古曰蘇說姦胥落膽盡空訟詬之寃

詬徒口切說文受錢器也

一曰鉅可受投書徐曰謂入而不能出之器也趙廣漢傳教吏為鉅甬酷吏傳惡少年投鉅師古曰鉅若今盛錢藏瓶為小孔可入而不可出或鉅或甬皆為此制而用受書令投於其中也帝念葭萌前漢

志廣漢郡有葭萌縣應劭曰音家育師古曰明音萌後漢書同華陽國志葭萌有水通於漢川杜詩葭萌水種迥生擔地隣蟠冢尚書蟠冢導漾東流為漢河木牛轉大戎屯

粟路即達於褒斜漢溝洫志有人上書欲通褒斜道及

四百里而褒水通汚斜銅虎剖符師可臨於秦隴說文

水通渭皆可以行船漕縣後魏東秦縣柳文西出秦隴南過樊鄧有嚴三命欲

集兩長東壁圖書自他有耀左傳陳厲公生敬仲使周史筮之遇觀之否曰是謂

觀國之光利用賓於王此其代陳有國乎不在此其在異國非此其身在其子孫光遠而自他有耀者也他指異國耀光燄也言所謂觀國之光者其光悠遠自他處相射而有耀者也北門管鑰無競維

人

見前

某辱託為寮

左傳同官為寮

尤深贊慶

周禮秋官大行人慶賀以贊諸侯之

喜注贊助也

聞之道路恐又啟十乘之行

左傳衛侯使祝佗私於襄弘曰聞諸

道路不知信否南史何敬容傳

脩其簡書尚當為九遷

之賀

見前

代回湖南鄭漕

肇之

曉行湘水遠知禮樂之華

見前

老人明先近抱簡書之畏

東坡詩老入明光踏舊班

因遺我雙魚之繾綣

詩以謹繾綣傳繾綣反覆也左傳繾綣從

公無通内外知繾綣者牢固相着之意侯景傳繾綣矜期綢繆言語

知駕彼四牡之春容

詩駕彼四駱載駮駮駮禮記待其從容然後盡其聲注從讀如富父春戈之春春容謂重撞擊也正義曰春謂

擊也以爲聲之形容言鐘之爲體必待其擊每一聲而爲一容然後盡其聲東坡詩我欲棄官重問道寸蓬何

以得春容恭惟某官與學長材英聲茂實動足奔電洗凡馬

而一空運斤成風解全牛於四顧

並見前

入朝甫爾

甫韻會始

也

出牧翻然撫字勞心香未安於燕寢

並見前

澄清有志

恩已賜於鵲袍

宋江西北河東陝西三路轉運使賜方勝練鵲錦從劉錠之請也互見前

拓

長沙萬里之平既均六轡

韓詩長沙千里平勝地猶在險

護洞庭九州

之險坐幹萬艘

韓詩洞庭九州間厥大誰與讓魏文帝浮淮賦序王師自譙東征大興水軍浮

舟萬艘赫哉盛矣雖孝武威唐之狩舳艫千里殆不過之傳玄正都賦鱉衝舸艫蜀艇吳航萬艘咸興雲帆齊

張

行奏計於甘泉即立班於文石某蒲柳之質糠粃在

前

並見前

芻狗已陳不意復蒙於文繡

莊子夫芻狗之未陳也或以篋衍巾

以文繡尸祝齋戒以將之及其已陳也

槐龍對舞所期

及識於衣冠

東坡詩日高黃繖下西清風動槐龍舞交翠公自注通英閣前有雙槐樛然屬地如

龍形宋張邦基墨莊漫錄云通英閣前雙槐極高而柯葉拂地狀如龍蛇或謂之鳳尾蘇子由詩云銅瓶灑遍

不知寒雨點勻圓凍未乾回首
瞳矐朝日上槐龍對舞覆衣冠

代回淮南徐運判

煇

禁驅漢節

杜詩漢節梅花外春城海水邊

給饋淮壩

壩而宣切集韻江湖邊地漢書壩地

師古曰壩餘也諸緣河壩地廟垣壩地其義皆同

禮樂遠而光華著聞於古師

旅加之饑饉聚見於今欲息隱雷之聲

陳後山詩饑雷收聲酒如雨

正得福星之照

見前

恭惟某官學為可用才靡不宜素所

蘊藏皆及物之志久於歛退無希世之心

莊子希世而行比周而友

學以為人教以為己

既交章於北臺

鄴都故事御史臺在宮闕西南其門北開以取冬殺之義

迄來歸於東海夜前席而入對晝衣錦以啟行

並見前

拊

螻蟻烏鳶之遺黎使肉骨之再活

莊子莊子將死弟子欲厚葬之莊子曰吾

以天地為棺槨日月為連璧星辰為珠璣萬物為齋送
葬具豈不備邪弟子曰吾恐烏鳶之食夫子也莊子曰
在上為烏鳶食在下為螻蟻食奪彼與此何其偏也詩
周餘黎民靡有孑遺左傳所謂生死而肉骨之也趙壹
傳使乾皮復含
捕螾蟲螾賊之餘孽無翅股之復搖

詩去

其螾螾及其蟲賊無害我田穉毛詩義疏亦螾也許
慎曰使乞貧則生螾舊說螾螾蟲賊一種蟲也如言寇
賊姦穴內外言之耳故捷為文學曰此四種皆螾也實
不同故分別釋之爾雅食苗心曰螾春秋哀十二年十
三年螾食苗根曰螽食苗節曰賊詩五月斯螽
動股六月莎雞振羽韓文折其尾毒不得動搖
苟可救

民諒深體國盤根之別利器歲計有餘

莊子今吾日計之而不足歲計

之而有餘注日計之而不足無旦夕小利也歲計之而有餘順時而大攘也

乘槎而歷天津

風斯在下

爾雅注箕龍尾斗南斗天漢之津梁宋之問明河篇明河可望不可親願得乘槎一問津

某過勤異謝仰仞謙撓寒日荒荒詎宜貪帝所之夢

杜詩

野日荒荒白春流泯泯清史記扁鵲傳我之帝所甚樂與百神游於鈞天廣樂九奏萬舞不類三代之樂東坡詩鈞天一春郊處處猶將觀使者之功餉夢中榮

代回福建趙通判

善宣

起家越上將漕閩中

史記東越傳以其地為閩中郡徐廣曰今建安侯官是漢書立無諸

為閩粵王王閩中地又帥閩中兵以佐滅秦師古曰閩越今泉州建安是也其人本蛇種故其字從虫曾子固道山亭記閩故隸周者七至秦開其地列于中國始并為閩中郡福州治侯官於閩為土中所謂閩中也送

禮樂而有光華古莫重乎膚使一道德而同風俗今又

在於廉車

禮記司徒修六禮以節民性明七教以與民德齊八政以防淫一道德以同俗公無

遐心民可吐氣恭惟某官操持甚厚揚歷最深至今京

兆之歌曰前有趙宜入承明之直無以易堯

並見前

不應

七聚落之間

後漢書聚落化其德注小於鄉曰聚廣雅落居也周禮職方氏七閩注閩蠻之別也

叔熊避難於濮蠻隨其俗如蠻人子孫分為七種故曰七閩山谷送劉士彥赴福建運判詩維閩七聚落憚獨

因吏

復勤單輅傳之出惟西北風塵之已息而東南雨

露之猶慳問俗及豚羔山谷之詩云爾

山谷前詩察人極涇渭問俗及

豚羔

羨君超鸞鶴坡仙所詠非耶

東坡送張職方吉甫赴閩漕詩羨君超然鸞鶴

姿江湖欲下還飛去空使吳兒怨不留青山漫漫七閩路門前江水去掀天寺後清池碧玉環君如大江日千里我如此

少觀荔子之丹

韓文荔子丹兮蕉黃王介甫詩蕉黃荔子丹

即拜

芝函之紫

陳江總為衡陽王讓吳郡表芝泥馳印發命開函詳見前

某未由旅賀例

辱損牋

旅損卦名

分民病之憂願謹衣篝之護

篝音溝說文客也可薰衣

徐曰竹籠也又以籠覆火也陳涉世家夜篝火注篝籠也蓋然火而籠罩其上山谷詩攬轡都城風露秋行臺

無妄護衣篝又栢葉鋪庭後天下而樂佇榮袞繡之歸
紅穎秋熏爐沉水度衣篝
范文正公神道碑公少有大節其於富貴貧賤毀譽欣
戚不一動其心而慨然有志於天下當自誦曰士當先
天下之憂而憂後
天下之樂而樂也

代回江東莊運使

夏○宋史莊夏字子禮泉州人
淳熙八年進士慶元六年大旱

詔求言夏時知贛州興國縣上封事召為太學博士
遷國子博士召除吏部員外郎遷軍器監大府
少卿出知漳州為宗正少卿兼國史院編修官尋
權直學士院兼太子侍讀試中書舍人兼太子右
庶子左諭德除兵部侍郎煥章閣待制與祠歸
嘉定十年卒家江東路轉運置司治上元江寧

奏功司庾將漕陪京

西都賦陪京之南居漢之陽建
康志序坐鎮江淮以為陪都 一

道服於教條不勤易地六轡熟於原隰益足觀風

並見前

中宸眷隆上流勢重

項籍傳古之王者地方千里必居上游注居水之上流游流也陶侃

傳論超居外相宏總上流溫嶠傳使嶠為上流形援殷仲堪傳受腹心之任居上流之重又欲重復上流為習坎之防又藩扞之大機上流之至要劉毅傳上流之任皆以相委

恭惟某官材全業鉅

韓文鏗鏘發金石幽眇感鬼神信所謂材全而能鉅者也

學廣聞多

韓文學廣而聞多不求聞於人

也高義之薄雲天早奮何蕃之勇

杜詩故人孫宰高義薄雲天韓文朱泚

之亂太學諸生將從之來請起蕃蕃正色叱之六館諸生不從亂茲非其勇歟

道山之隣日月

晚讐劉向之書

華嶠後漢書學者稱東觀為老氏藏室道家蓬萊山王肅論秘書表云青龍中

議秘書丞郎與博士議郎同職近日月宜在三臺上漢書藝文志天下文籍悉在天祿石渠之閣廣內祕府之室謂之祕書成帝時劉向父子以本官典其事劉向傳詔向領校中五經祕書讐時流切校也謂兩本相覆校如仇讐也文選魏都賦注一人持本一人讀書如怨家相對也輟從著作之庭西都賦又有承

明金馬著作之庭

出任皇華之寄聚萬民於荒政

周禮大司徒之職以荒政

十有二聚萬民一曰散利二曰薄征三曰緩刑四曰弛後五曰舍禁六曰去幾七曰青禮八曰殺哀九曰蕃樂十曰多昏十有一曰索鬼神十有二曰除盜賊宋史莊夏傳時流民來歸夏言荆襄兩淮多不耕之田計口授地貸以屋廬牛具吾乘其始至可以得其欲彼幸其不死可以忘其勞兵民可合屯田可成此萬世一時也

驅四牡以賢勞如此人才盍來歸於金馬

公孫弘傳待詔金馬門如

淳曰武帝時相馬者東門京鑄作銅馬法獻之立于魯班門外更名魯班門為金馬門史記東方朔傳避世金馬門主父偃嚴安徐樂王褒劉向張子僑華龍柳褒賈捐之鄭朋馮商皆待詔金馬門揚雄傳公孫創業於金馬西京賦蘭臺奈何天塹方仰給於木牛見前風景不殊金馬遞宿迭居

王導傳過江人士每至暇日相邀出新亭飲宴周顗中坐而歎曰風景不殊舉目有江山之異皆相視流涕惟導愀然變色曰當共戮力王室尅復神州何至作楚囚相對泣耶星言風駕詩星言風駕說于桑

田師旅因之饑饉正藉筭鞭劉晏傳每朝謁馬上以鞭筭氣色益以

晶明佇頒召璽李光弼傳其代郭子儀朔方也營壘士卒麾幟無所更而光弼一號令之氣色

乃益精某冒馬浪出杜詩龐公不浪出蘇氏今有之未以太歸訪斗牛明云

邊已後君平之間

前見

以春秋對佇觀莊助之來

嚴助傳賜書曰

會稽東接於海南北諸越北枕大江間者闕焉久不聞問具以春秋對毋以蘇秦縱橫

代回江西李運使

珏

起家乘傳

傳張戀切廣韻云驛馬曰傳古者以車駕馬乘詣京師謂之傳車其後又置單馬乘之謂

之驛騎若今遞馬凡四馬高足為置傳四馬中足為馳傳四馬下足為乘傳一馬二馬為輶傳將漕餽

軍淞河以東之民去思未遠

淞之列切或作浙說文江水東至會稽山陰為浙江

廣韻江名在東陽增韻在錢塘出歙縣玉山浙者折也水勢曲折激起潮頭故曰浙江山海經禹治水以至淞河莊子自淞河以東注即今浙江大江而西之地來暮已歌有志澄清

何憂盤錯

並見前

恭惟某官名隨日起

荀子貴名起之如日月天下應之如

雷霆董仲舒傳勉彊行道則德日起而大有功

材應時需

文選才為世用世亦須才孫逖行崔綸制

名當歲調才應時須山谷詩妙年出補父兄處公自才力應時須

近使之煩使之殆無

施而不可

莊子君子遠使之而觀其忠近使之而觀其敬煩使之而觀其能詳見前

善人也

信人也似未足以相名方人物之眇然

王逸少帖蔡公遂委篤深可憂

當今人物眇然而艱疾若此令人短氣山谷詩人而江物方眇然誰能委主幣又人物於今眇然詳見前

而江

濤之如此

宋朱新仲詩天氣未佳宜且住風濤如此亦安歸詳見前

天子有詔固將

大任於陸君

昌黎送陸欽州詩我衣之華兮我佩之光陸君之去兮誰與翔翔歛此大惠兮施于

破賊非吾事黃
紙除書無我名

畫棟飛雲珠簾捲雨寧久回旋某側聞

下車方規上記受一廬於仁政亟欲謀歸勞四牡之使

臣別遲贊喜

並見前

代回成都林漕

文仲

將輸汚北易節劔南

見前

斜谷列屯方仰木牛之運

方輿勝覽

斜谷在興元府西北入斜谷路至鳳州界百五十里有
棧谷二千九百八十九間板閣二千八百九十二間土

人云其間有一溪可行舟

少城一道已先竹馬之迎

見前

下車云初

張酺

傳下車擢用義勇搏擊豪強周紆傳下車先
問大姓主名張衡傳下車治威嚴整法度

載路相慶

一州今其去兮胡不為留我作此
詩歌于遼道無疾其驅天子有詔
皇帝曰嘻猶有未平

之劉闢

元和聖德詩疆外之險莫過蜀土韋臯去鎮劉闢守後血人于牙不肯吐口皇帝曰嗟無汝煩

苦

樵蘇後爨弩矢前驅

見前

繭絲乎保障乎公必本根之

急

左傳葛藟猶能庇其本根故君子以為比

濡需者卷婁者彼何鼎鑊之逃

莊子有濡需者有卷婁者濡需者豕強是也擇疏鬣自以廣宮大園奎蹄曲隈乳間股脚自以為安室利處不知屠者之一旦鼓臂布草操煙火而已與豕俱焦也卷婁者舜也羊肉不慕蟻蟻慕羊肉羊肉羶也舜有羶行百姓悅之年齒長矣聰明衰矣而不得歸休所謂卷婁者也此引為羊豕之喻增韻鑊釜屬柳文懲咎賦進與退吾無歸兮甘
脂潤兮鼎鑊

紅旗破賊黃紙除書直相先後

白樂天詩紅旗

十餘鍾致一石之糧

漢食貨志衛青歲以數萬騎出擊匈奴遂取河南地築朔方時又通

西南夷道作者數萬人千里負擔餽饟率十餘鍾致一石六斛四斗為鍾

弩矢前驅樵蘇後

饗諒賢勞之無憚在聖眷則甚深某借潤德隣升華工

正錦城雖樂期公乃在於早還

並見前

金門少留即日會

觀於暮名

敘傳平津斤斤晚躋金門師古曰金門金馬門也楊雄傳歷金門上玉堂

代回湖南曹漕

彥約已見

按刑湖右轉漕湘中六轡如絲雖賢勞於原隰

詩我馬維騏六

轡如絲注言調忍也

三軍挾纊亦流潤於京師

左傳楚莊王圍蕭申公巫臣曰師人

沈休文碑威令
首塗仁風載路

恭惟某官好是正直

詩靖共爾位好是正直注好猶與也

正直為正能正
人之曲曰直

擇乎中庸迎風寒露之玉壺潔其清矣

杜詩炯如一段清冰出萬壑置在迎風寒露之玉壺張衡西京賦既新作於迎風增寒露與儲胥武帝因秦林光宮元封二年增通天迎風儲胥寒露四館法言楚兩龔之潔其清矣乎

暖日生煙之錦瑟

和亦溫然

李商隱錦瑟詩滄海月明珠有淚藍田日暖玉生煙

自奏郡庸出司漕

計乘槎直上天已界於漢中

宋興元府即今漢中府宋隸利州東路蕭何傳語曰

天漢其稱甚美姚合詩詩書理漢中

叱馭疾驅星忽臨於益部

見前聞數萬

人通千里之後

溝洫志拜湯子印為漢中守發數萬人作張斜道五百餘里湯張湯也

須

多寒王巡三軍撫而勉之三軍之士皆如挾纊郭伋傳
賢能太守去帝城不遠河潤九里冀京師并蒙福也

恭惟某官儒學醇明吏材膚敏自策扞城之績

左傳百官承事

朝而不夕此諸侯所以扞城其民也桓溫傳贊
受寄扞城用恢威畧東坡詩誰信儒冠也扞城

亟膺持

斧之榮告舍人趣治裝適當寇警

曹參傳告舍人趣治行吾且入相

見

大夫無可使誰給軍需

王嘉傳前蘇令發欲遣大夫使遂問狀時見大夫無可使者名

藍屋令尹逢拜為諫議大夫遣之師古曰言見在大夫皆不堪為使也申屠嘉傳遷御史大夫張蒼免相文帝念高帝時之臣餘見無可者乃以御史大夫嘉為丞相師古曰見謂見在之人徑煩行李之來

以成破竹之捷

杜預傳今兵威已振譬如破竹數節之後皆迎刃而解無復著手處也杜詩胡

厄命在破竹中

民亦勞止因之師旅以奈何我儀圖之殲厥渠

魁而已矣

尚書殲厥渠魁脅從罔治

小觀耆定

詩勝殷遏劉耆定爾功

即見勞

還某縻職雉官馳神燕夏歲月如代空驚揚糝之在前

造化為工行見積薪之居上

並見前

代回湖北王漕

先初

起曹惕日甚慙清切之司

晉宋有起部尚書而不常置每營宗廟宮室則權置之事

畢則省白集起曹書殿兼而委之南豐集中臺起曹

信使觀風有渥皇華之遣先

勤下問良佩高情恭惟某官望實飛騰典刑炳蔚一俞

一嘒當入陪廣廈之瓊

尚書帝曰俞孔傳俞然也然其所舉正義曰俞然釋言文又帝

曰吁嘒哉正義云

載馳載驅還復動陽春之脚

見前有華

清樾

樾王代切字林樹陰也山谷詩東西開軒蔭清樾

施及凋蒲

世說顧悅與簡文同年而

髮蚤白簡文曰卿何以先白對曰蒲柳之姿望秋而落松柏之質經霜彌茂互見前

某曳履何顏

見投簪甚力

文選昔聞投簪逸海岸又聊以投吾簪

老驥真老寧復戀立

仗之芻

東坡詩可憐老驥真老矣無心更秣天山禾餘見前

孤山不孤行當迓在

原之轡

東坡訪僧惠勤詩孤山孤絕誰肯廬道人有道山不孤紙窻竹屋深自煖擁褐坐睡依團蒲

代回淮西傳漕

誠

虎符奏最龍節疇庸禮樂遠而光華遐心何有

並見前師

旅因之饑饉敏手是資

山谷詩敏手擘泰華

恭惟機量醇明材猷

敏劭駒在彼谷已空北馬之羣

詩皎皎白駒在彼空谷

魚躍于淵

盡展南鵬之翼甫班天上復守雲中

馮唐傳魏尚為雲中守廉范傳再遷

為雲中太守

帖四境之驛騷

帖通作帖靜也廣韻安也服也公羊傳卒帖荆注服也詩徐方

驛騷騷動也徐國傳遽之驛知王兵必克歸以報其國馳去以相恐動

集萬民之離散

詩序

鴻鴈美宣王也萬民離散不安其居而能勞來還定安集之

茲由畫戟就易繡衣雖

合符得節若平進之常

南史王騫傳謂諸子曰吾家本素族自可依流乎進不須苟求

蔡興宗傳吾素門平進與主上甚疎庾諒傳皆非姻族
各以平進後周劉璠傳欲立邊功不樂隨牒平進新唐
書選舉志朋比貴勢然疊組重珪非他道之比少容咨
妨平進之路互見前

度會即遄歸某願友多聞獨欠一識整六師而截淮浦

正藉來宣

詩整我六師以修我戎又截彼淮浦王師使之所注截治也治彼淮浦之旁有罪之國使

百工而求傳巖猶堪共役

史記殷本紀武丁夜夢得聖人名曰說以夢所見視羣臣

百吏皆非也於是迺使百工營求之野得說于傳險中舉以為相遂以傳險姓之號曰傳說

代回趙漕

彥俟○宋史彥俟字安卿彭城侯叔聚曾孫初調溧陽尉改揚州司戶平江府

推官攝宜興縣知臨安於潛縣累遷湖南運判尋知紹興府改大府少卿遷顯謨閣知太平州調江

西轉運使嘉定
十一年卒於官

殿藩江介

殿丁練切鎮也詩殿天子之邦轉漕湘流賈
介側畔也楚辭悲江介之遺風

傳造託湘流兮師古曰造
至也言至湘水因託其流
袁得賢戾州乃無於一事

李泰

伯袁州學記今代遭聖神爾袁得賢君俾爾由序序踐
古人之迹韓文吾雖欲出意見論利害聽命於幕下而
吾州乃無於一事可假而行者東坡詩
老幼化服一事無有鞭不施安用蒲
衡為巨鎮食何

有於九年

周禮正南曰荊州其山鎮曰衡
山禮記國無九年之蓄曰不足
宜煩單車
陵信

君傳今單車來代之何如哉李陵書單車之使張綱傳
獨單車之職又單車入嬰壘杜氏通典自魏以來庶姓
為州而無將軍者謂之單車刺史凡單車刺史加督進
一品都督進二品李頎詩所思但乘興遠適惟單車

以餉千里

韓信傳千里餉糧士有饑色

恭惟某官傑韜國器

韓安國傳唯天

子以為國器師古曰言其器用重大可施於國政也

表立宗英

漢書叙傳河間賢明禮樂是修為漢

宗出而專城璽書勉勵之有效

古辭陌上桑四十專城居循吏傳序二千石有

治理效輒以璽書勉勵增秩賜金或爵至闕內侯

入而繕器工匠伎巧之咸精

將作監唐龍朔二年改為繕工監先宅改營繕監漢宣帝紀贊政事文學法理之士咸精其能至於伎巧工匠

器械自元成間鮮能及之此言為將作少府

侈兮南箕

詩侈兮侈兮成是南箕彼讒人者誰適與

謀多昌者反說文云張口也箋去箕星哆然踞狹而舌廣今讒人因寺人之近嫌而成言其罪猶因箕星之哆

而侈歸止北陌

韓文親戚之不仕與倦而歸者不在東阡在北陌可杖履往來也

自起

家而予郡已知國之得人田里既無於歎愁原隰遂華

於禮樂四郊殊靖一節以趨某引分投簪蒙恩分組

俱見

前景翳翳以將入所欣衡宇而載奔

歸去來辭景翳翳兮以將入撫孤松

而盤桓又乃瞻衡宇載欣載奔

芳菲菲其彌章願折瓊枝而繼佩

離騷經佩

續紛其繁節兮芳菲菲其彌章又折瓊枝以為羞兮精瓊靡以為糧

代回江西胡漕

槻

奪情許國

耿恭傳恭征疏勒時母卒及還追行喪制有詔使五官中郎將齋賜牛酒釋服注奪情不

令追服吳志君子不奪人情故三年盡孝子之情至於有故則殺禮以從宜要經故聖人制法有禮無時不行

喪不奔計非古也周札傳以身許國死而後已將指餽軍移孝則忠蓋古所謂

大臣者

孝經君子之事親孝故忠可移於君

知遠之近故今用之鄉人焉

詩序故用之鄉人焉用之邦國焉

恭惟某官挺有祖風

新唐書魏徵傳

有祖風烈

蔚為世德

叙傳蔚為辭宗師古曰蔚文采盛也音鬱

中外踐敷之

久聖明簡注之深素韞三年方枕曾參之塊

詩庶見素韞兮我心

蘊結

綠林一日忽於通德之鄉

劉玄傳王莽末南方饑饉人庶羣入野澤掘見

此而食之更相侵奪新市人王序王鳳為平理爭訟遂推為渠帥於是諸亡命馬武王常成丹等往從之藏於綠林中數月間至七八千人後至五萬人注綠林山在今荊州當陽縣東北李涉井欄砂宿遇夜客詩暮雨蕭

蕭江上村綠林豪客夜知聞他時不用相迴避世上如今半是君鄭玄傳孔融深敬於玄告高密縣為玄特立一鄉曰鄭公鄉廣開門衢
令容高車號曰通德門
觀察使急於賦焉見大夫無

可使者

並見前

惟閔子嘗要經而服事

禮閔子騫以孝聞者也腰經而服事

君既而曰若是乎古之道不即人心退而致事孔子善之注既事畢言古者不敢斥君即近也退退身也致事致祿位於君也孔子善其服事
君之義內不失親親之恩也
至伯禽亦卒哭而御戎

禮記子夏曰三年之喪卒哭金革之事無避也者禮與初有司與孔子曰夏后氏三年之喪既殯而致事殷人既葬而致事記曰君子不奪人之親亦不可奪親也此之謂乎子夏曰金革之事無辟也者非與孔子曰吾聞諸老聃曰昔者魯公伯禽有為之也今以三年之喪從其利者吾弗知也鄭注云疑有司初使之然致事還

其職位於君也伯禽有徐戎作難喪卒哭而征之急王事也

帝曰汝諧

尚書帝曰俞往哉汝諧孔

傳汝能諧

公為民起樵蘇後變正觀韓信之奇

韓信傳信所出

和此官

奇兵二千騎者侯趙壁逐利即馳入趙壁

弩矢前驅豈耀長卿之貴

司馬相如

傳至蜀太守以下郊迎縣令負弩矢先驅蜀人以為寵

某相識雖晚所聞已多山

林魑魅之姦何遽至是

左傳昔夏方有德遠方圖物貢金九牧鑄鼎象物百物而為之

備使人知神姦故民入川澤

京觀鯨鯢之績願早圖之

山林魑魅魍魎莫能逢之

左傳古者明王伐不敬取其鯨鯢而封之以為大戮於是乎有京觀以懲淫慝鯨鯢皆海中大魚鯨長千里鯢者鯨之雌亦長千里崔豹古今注云鯨鯢一生數萬子常以五六月就岸生子至七八月導從其子還大海中

鼓浪成雷噴沫成雨水族畏避莫敢當者蓋鯨鯢有力能驅食小魚故以為疆暴凌弱之喻如獸之有猘猢猻之有長蛇鳥之有鴟梟然京觀之喻不取彼而取此者蓋鯨鯢導從種類跋扈海中有渠魁之義且其死也羣為之出玉者行戮亦除舊布新之義京大也鯨字從京亦京觀之義與

代回黃漕

華。山谷從孫朝散郎直顯謨閣西浙路轉運判官第營台州太守

典獄參聯久虞瘝曠

尚書王曰嗟四方司政典獄非爾惟作天牧

共工闕長

忽冒攝承

左傳攝官承乏

退自揣於頭顱難上司於喉舌露葦

控免

並見前

天聽莫回

秦宓傳天處高而聽卑

諒四牡之光實分隣

壁致五鳩之正躡代庖人方伺遙歸亟圖候謝忽鳴謙

之先辱寧裁復之敢稽

並見前

代回湖南徐運判

輝

四牡之勞使臣久稽王覲

左傳王覲為可

五雉之為工正謬竊

君恩曾異謝之未遑已謙先之先辱恭惟某官王之膚

使

並見前

古之謀人

尚書惟古之謀人曰未就予忌

雖駕單車身實兼於

數器

薛宣傳經術文雅足以謀王體斷國論身兼數器有退食自公之節餘見前

故累四印

勞不歎於獨賢

石顯傳印何累累師古曰累累重積也力追切詩大夫不均我從事獨賢

淮

海無波京師知潤

見前

遂使雲司之白

杜氏通典黃帝雲師雲名注黃帝受

命有雲瑞故以雲紀事春官為青雲夏官為緡雲秋官為白雲冬官為黑雲中官為黃雲也黃帝有景雲之應因以名師與官也裴復除制俾踐白雲之司與分水佩之蒼禮記公侯佩山玄玉大夫佩水

蒼玉晉公卿禮秩曰特進佩水蒼玉某聽履可慙投簪尚書令僕射中書監令皆佩水蒼玉

甚力

見前

集于苞栩遙瞻星言夙駕之光

詩星言夙駕說于桑田注星雨

止星見夙早也命主駕者雨止為我晨早駕

收之桑榆已畏日暮倒行之戒

史記伍子胥傳吾日暮塗遠吾故倒行而逆施之主父偃傳吾日暮故倒行逆施之

代回廣西楊漕

方

起家子節將漕宅南高明有融及物之心未了

詩昭明有融高

朗令終注融長也天既光大成王以昭明之道甚有長也言與之明道未有極已之時選擇而使

重遠之意可知恭惟某官明善誠身為仁由已三仕無

喜色三已無愠色養之浩然兩喜多美辭兩怒多惡辭

聽其自爾及茲更化復此立朝遽為襍被之行適有褻

帷之寵

並見前

莫非王土寧辭五嶺之炎

杜詩五嶺皆炎熱

無有

遐心行歌四牡之勞某罔功曳履有請投簪

並見前

我營

小山之居將委身而就老

南史何胤傳胤以會稽山多靈異居若邪山雲門寺初胤

兄求點並棲遁胤又隱世號點為大山

公作太玄之草

願載酒以相從

揚雄傳雄以病免復召為大夫家素貧嗜酒人希至其門時有好事者載酒肴

從遊學而鉅鹿侯芭常從雄居受其大玄法言焉

代董侍郎回辛運使

克承

帖楚報政

韻會帖音與鐵同通作帖靜也廣韻安也服也公羊傳僖四年卒帖荆注服也荆楚也史

記周公世家三年而後報政

泝峽觀風原隰之事孔殷正煩咨度

尚書

九江孔殷此借用詩周爰咨度

疆場之虞未靖尤藉轉輸

詩疆場有瓜食貨志殖于

疆場左傳疆場之事又疆場無主謂邊境也

賢者之來民所攸賴恭惟某官

天資凝遠風韻浚明

南史柳惔傳帝善其詩謂豫章王嶷曰惔不但風韻清爽亦屬文道

麗張敎傳性整貴風韻甚高王筠傳沈約見筠以為似
外祖袁粲謂張稷曰王郎非惟額類袁公風韻多欲相
似王規傳王威明風韻直上神峰標映千里絕跡百尺
無枝臨川獻王映傳風韻韶靡陸杲傳舅張融有高名
杲風韻舉止頗類魏我千佛之姓名早宜臺閣撫言張
孔珪傳風韻清疎

之孫數舉進士不第捧登科屈折三神之步武晚落江
記頂上戴之曰此千佛名經

湖郊祀志蓬萊方丈瀛洲此三神山者茲煩漢節之華
其傳在渤海中山谷詩此士落江湖

來假夔藩之重跨灩澦之象不辭王事之艱難灩澦歌
灩澦大

如馬瞿塘不可下灩澦
大如象瞿塘不可上
俯常山之蛇要識老臣之開濟

杜詩百年開濟
老臣心餘見前
飛騰自此翹企俟之
翹祈禱切韻會企
也左傳引逸詩翹

翹車乘服虔曰遠貌企音棄說文舉踵也爾雅鳬鴈醜其踵企注飛即伸其脚跟企直通作跂詩跂予望之山海經有跂踵國人行脚跟不著地如人之跂足也溫嶠傳州之文武莫不翹企涼武昭王傳延首雲極翹企遐方某別德恍然為僚幸甚尚憐往日聽夜雨於巴山巴山在今歸州巴東縣治南又撫州崇仁縣南六十里亦有巴山以山有巒巴祠故名巴山唐詩夜聲曾隔巴山雨露氣仍和安能扁舟披朝雲於巫峽前見震澤春

代回淮南林運使 拱辰

陞班中秘

劉向傳詔向領校中五經秘書師古曰言中者以別於外

將漕邊陲

陞是為切

說文遠邊也左傳虔劉我邊

禮樂遠而光華遐心何有

陸薛道衡詩遠略振邊陲

師旅因之饑饉敏手為宜

山谷詩敏手擘泰華

天不違顏

左傳天威不遠

顏咫尺言君尊如天其威嚴常在顏面

星言夙駕恭惟某官氣資膚敏德

履弘深自司庾於日畿益舒翹於歲最屬淮人之離散

求牧與蜀忘漢德之寬仁帶牛佩犢徒得君重母俾民

憂峻奎壁圖書之聯兼錢穀刑獄之任

並見前

餽千金之

日費正賴通材

孫子凡用兵之法日費千金然後十萬之衆舉矣

護數處之風

寒更觀竒績

三國志注紀涉曰猶人雖有八尺之軀靡不受患其護風寒亦數處耳宋曾極詩未

得三軍如挾纊憑誰數處護風寒詳見前

某未遑望履甚慶得與遺我雙魚

愧莫酬於繾綣駕彼四牡願加必於馳驅

並見前

代回湖北范漕

子長

肅將使指兼擁州麾一道觀風足展澄清之志

並見前專

城宣化又彰鎮撫之材

陳平傳外鎮撫四夷諸侯

重湖無憂四海相

慶見前恭惟某官人門具美

唐鄭仁表為起居郎文章俊拔自謂門第人物文章俱美

嘗曰天瑞有五色雲人瑞有鄭仁表

天分素高

晉書列女傳王凝之妻謝道韞嘗譏謝玄學植不進

曰為塵務經心為天分有限邪

久矣踐揚名實孚於上下恬然歛退言

行擇乎中庸公道方申薦章旁午

霍光傳使者旁午師古曰一從一橫為旁

午猶言交橫也。學林云：古篆五字象陰陽六爻之義。午字亦取此義。周禮壺涿氏掌除水虫，若欲殺其神，則以牡棹午貫象齒而沉之。鄭注：午為五棹榆木，名以棹為幹，穿孔以象牙從棹貫之，為十字。史言旁午者，四方八達皆通，亦從橫交五之義也。

宜絲綸之一札，畀符節以並驅夏口武

昌三國之山川具在

夏口一曰沔口，江水東至華容縣西，夏水出焉，依山傍江，對岸則入

沔津故城以夏口為名。劉表傳注：夏口即今沔州武昌。今鄂州武昌縣郡縣志云：武昌郡舊名鄂，漢以為縣屬江夏郡。薛氏曰：夏口南臨大山，三方阻水，漢陽以北阻隔波湖，敵出上蔡，則武昌夏口當其衝。武昌乃吳建都而王，陶溫庾之所為督府者，其地襟帶江沔，依阻湖山，左控廬淝，右連襄漢，南北二途有如繩直，北人南牧常出此以襲豫章，東坡亦壁賦西望夏口，東望武昌，山川相繆，鬱乎蒼蒼。

江沱漢廣諸侯之

風化一新

詩序江有汜美勝也勤而無怨嫡能悔過也文王之時江沱之間有嫡不以其勝備數勝

遇勞而無怨嫡亦自悔也漢廣德廣所及也文王之道被於南國美化行乎江漢之域無思犯禮求而不可得也

不俟席溫即膺環召某摧頽暮齒塵綴朝紳只今數

日以謀歸外無榮望期公五月之報政別致賀忱

並見前

代回浙漕黃檢正

華○徽本闕今補

陞華延閣將漕神臯綸命先庚而具孚輿人旁午以相

慶

並見前

恭惟某官器資山立

禮記山立時行注山立不搖動也正義曰山立者若

住立則歸如山之固不搖動也樂記云總干而山立不搖動也

才諳淵停

石崇楚妃數矯矯莊王淵

停轍時

游著民庸政安駭馬

荀子馬駭則君子不安與庶人駭政則君子不安政馬

駭與則莫若靜之庶人駭政則莫若惠之韓非子造父御四馬馳驟周旋而恣欲於馬者擅轡筴之制也然馬驚於出羣而造父不能禁制者非

遍儀宰旅妙割金牛

宰旅言為宰相屬官檢正之屬東坡詩妙割無金牛

考前此之彛章宜引之於禁

近屬日畿之選使勤天陞之掄材青雲不厭於斜飛

劉禹

錫詩青雲直上無多路却作斜飛取勢回互見前

繡斧暫勞於直指未離五尺

天之近儼立荀班前知七八月之間即持荷橐

並見前

某

卜隣舊矣聞報躍然誦水鏡是人材之篇喜詩仙之有

後

山谷詩塞上金湯惟粟粒胸中水鏡是人材

思金石出丞相之語恐里諺

之可占

豫章有日月湖中有石人灘合狀元生金石出丞相之說明良將出石人灘

未詳

不成報章實致私賀

詳啟意檢正為山谷後人故知為豫章人郡志有黃營者為山

谷從孫蓋

其群從也



四六標準卷二十四